

Carta najndyee na seicwanom Pablo na m'aⁿ nn'aⁿ tsjoom Corinto

Xmaⁿndye nn'aⁿ na cwila'yu' tsjoom Corinto

¹ Maja Pablo, cwiluiindyō apóstol cwentaa' Jesucristo na mañequiaya ñ'oom naya 'naaⁿaⁿ ndaaⁿ nn'aⁿ nc'e na l'ue ts'om Ty'oōts'om. Nquii nn'aaⁿya Sóstenes matseijomñê ñ'eⁿndyō na matseiljeiya cartawaañe.

² Matseicwanōⁿya juuna' ndaa' 'o nn'aⁿ na cwiluiindyō' tmaaⁿ na macwji' Ty'oōts'om cwentaaⁿaⁿ na m'aⁿ'yo' tsjoom Corinto, 'o na maqueⁿñōōⁿ cwentaaⁿaⁿ nc'e Cristo Jesús, na jnda tqueeⁿñê na calajomndyō' ñ'eⁿñê, ndo' mati ñ'eⁿ nn'aⁿ meiⁿquiayuucheⁿ na cwilcwii'na xuee' Ta Jesucristo, na cwiluiñê na matsaⁿntjoom jona ndo' mati jaa.

³ Nquii Tsotyaaⁿya Ty'oōts'om ñequio Ta Jesucristo catio'naaⁿndyena 'o. Quiana na meiⁿcwii ñomtiuu tic'om'yo' jo ndaana.

Matio'naaⁿñe Ty'oōts'om nn'aⁿ nc'e Cristo

⁴ Ñequii'cheⁿ mañequia na quianl'uaa' Ty'oōts'om cantyja 'naⁿ'yo' ee naya na matseixmaaⁿ na mañequiaaⁿ na cwito'ñoom'yo' cantyja 'naaⁿ Jesucristo.

⁵ Ndo' nc'e na matseitjoom'na' 'o ñ'eⁿñe, mañequiaa Ty'oōts'om na la'xmaⁿ'yo' cha'tso nnom na mateijndeina' 'o jo nnoom, cha'tso

na cwicandaa na cwila'teinco'yo' ñ'oom'm ndaa nn'a^n ndo' ñequio na cwila'noⁿ'ya'yo' cantyja 'naaⁿ'a^n.

⁶ Ndo' na luaa', juu ñ'oom cantyja 'naaⁿ' Cristo teitquioo' na mayuu' juuna' cantyja 'naⁿ'yo'.

⁷ Ndo' na ljo', titseitjoona' 'o meiⁿ'cwii nnom na mañequiaa Ty'o^ots'om cha cwicandaa cwil'a'yo' ts'iaa^n 'naaⁿ'a^n yoche^n na cwimeⁿ'ndo'yo' na nncuee' xuee quia na nncwjee'nnda' Ta Jesucristo.

⁸ Nquii Ty'o^ots'om wjaañequiaa^n najnda'yo' na cwindye'ntjom'tyeⁿ'yo' nnoom. Ndo' wjaach'ee^n na ljo' hasta na nncue'ntyjo xuee na nncwjee'nnda' Jesucristo na nntu'xeⁿ'ndye nn'a^n. Quia jo' nleitquioo' na tatjaa'na^n jna^n cwicwila'xmaⁿ'yo'.

⁹ Ty'o^ots'om ñequii'che^n matseicaña^n ñ'oom na jnda' tjoom'm na cjoom'm, ndo' manquiiyee^n jnda' tqueeⁿ'ñê 'o na calajomndyo' ñequio Jnaa^n Jesucristo na cwiluiiñe na matsa'ntjom' jaa.

Nn'a^n tsjoom Corinto na cwila'yu' titjoom' m'aⁿ'na

¹⁰ O nn'aⁿ'ya na cwila'yu'yo' ñequio Jesucristo na cwiluiiñê na matsa'ntjoom' jaa, ñequio najndeei na cwiluiiñê matseity'o^ondyo ndaa'yo' na c'om'yo' na tjoom' m'aⁿ'yo' ñequio nc'iaa'yo' na cwila'yu', tanc'om'yo' na meiⁿ'toⁿ' ñ'eⁿ'ndyena. C'om'yo' na ñecwiixje^n nquiu'yo' ñ'eⁿ'ndyena.

¹¹ Luaa' matsjo^o ndaa'yo' 'o nn'aⁿ'ya ee joo nn'a^n waa' Cloé jnda' jluena no^o'ya na m'aⁿ'ntiaa'ndyo' ñequio ntyjee'yo' na cwilayu'.

¹² Luaa' waa na ñe'catsjo^o cantyja 'naaⁿ' ñ'oomwaa', ñ'eeⁿ'ndyo' 'o na cwindu'yo': "Ja

matseijomndyo cantyja 'naaⁿ Pablo"; nt'omndyo' 'o: "Ja ñ'eⁿ Apolos"; ndo' nt'omndyo': "Ja ñ'eⁿ Pedro"; ndo' nt'omndyo': "Ja ñ'eⁿ Cristo".

13 ¿Aa nts'aacheⁿna' na matoⁿñe Cristo? Ndo' ja Pablo, ¿aa ty'ioom nn'aⁿ ja ts'oom'naaⁿ cwenta'yo'? Oo, ¿aa ñequio xueeya teits'oomndyo'?

14 Quianl'uaa' Ty'o^ots'om na macanda Crispo ñ'eⁿ Gayo na seits'oomndyo, tjaa'naⁿ nt'omndyo' 'o na seits'oomndyo,

15 cha tjaa 'ñeeⁿ ndaa nntso na ñequio xueeya seits'oomndyo jom.

16 Ndo' je' macjaañjoom' ts'o^o na mati seits'oomndyo Estéfanos ñequio nn'aⁿ waⁿaⁿ. Mein tileicjaañjoom'ti ts'o^o aa m'aⁿ nt'omndyo' 'o na seits'oomndyo.

17 Ee nchii ty'iom Cristo ts'iaaⁿ ja na cat-seits'oomndyo nn'aⁿ. Jñoom ja na catseicandiiya nn'aⁿ na macwji'n'maaⁿñê añmaaⁿna, meiⁿ nchii nts'aaya ts'iaaⁿñeeⁿ ñequio ñ'oom na jndo' n'om nn'aⁿ, ee xeⁿ naljo', juu ñ'oom cantyja 'naaⁿ na ty'ioom nn'aⁿ jom ts'oom'naaⁿ, tjaa'naⁿ najndei na matseixmaⁿna'.

Cristo cwiluiñê najndei Ty'o^ots'om ñequio na jndo' ts'om

18 Ndaa nn'aⁿ na cwi'o^otsuundye añmaaⁿ, juu ñ'oom na ty'ioom nn'aⁿ Cristo ts'oom'naaⁿ, nquiuna ticajdana', sa^a jo ndaa jaa na matsaacalui'n'maaⁿndyo, tseixmaⁿna' ñ'oom najndei cantyja 'naaⁿ Ty'o^ots'om.

19 Cha'xjeⁿ matseicandii ñ'oom'm na teiljeii: Nn'aⁿ na jeeⁿ jndye nqui, nnts'aa na catyuii' na jndo' n'omna,

ndo' juu na jeeⁿ cwila'noⁿna, nnts'aa na cwe'
ts'iaaⁿndyo juu jo'.

20 Nc'e luaa' tso ljeii'ñeeⁿ, ¿yuu l'ueñe ts'aⁿ na jeeⁿ
jndo' ts'om ndo' mati ts'aⁿ na jndye matsei'naaⁿ
ndo' ñequio ts'aⁿ na jeeⁿ ya matseitjoom' ñ'oom? Ee
jnda tqueⁿ Ty'o^oots'om cha'tso na jndo' n'om nn'aⁿ,
cwe' ts'iaaⁿndyo joona'.

21 Nc'e na jndo' ts'om Ty'o^oots'om, sei'no^on^o
na nquiee nn'aⁿ tsjoomnancue tixocata'jnaaⁿna
jom cantyja 'naaⁿ na jndo' n'omna, jo' chii ma-
jaawee' ts'oom na nncwji'n'maaⁿñê añmaaⁿ nn'aⁿ
cwe' cantyja 'naaⁿ ñ'oom'm na cwiñequia nn'aⁿ,
meiiⁿ cwitjeii'na cwenta na juuna' ñ'oom na tica-
jnda tseixmaⁿna'.

22 Nn'aⁿ judíos cwitaⁿna na nnty'iaandaⁿna cwii
ts'iaaⁿ t'maⁿ na tixocaluina' na cwe' najndei
nquii ts'aⁿ cha nla'yu'na. Saⁿ nn'aⁿ na nchii judíos,
joona cwil'uee'ndyena ñ'oom na nntseijndo'tina'
n'omna cha na nla'yu'na,

23 saⁿ já cwiñequiaayâ ñ'oom na ty'ioom nn'aⁿ
Cristo ts'oom'naaⁿ. Ñ'oom'ñeeⁿ tia nquiu nn'aⁿ
judíos ndo' nn'aⁿ na nchii judíos cwitjeii'na cwenta
na jeeⁿ cje tseixmaⁿna'.

24 Ndo' cantyja 'naaⁿ nn'aⁿ na ma'maⁿ
Ty'o^oots'om, meiiⁿ nn'aⁿ judíos oo meiiⁿ nn'aⁿ
nt'omcheⁿ tsjaaⁿ, macwji'n'maaⁿñê nn'aⁿ, ndo' na
cwiluiñe na jndo' ts'oom.

25 Ee juu na ndoo' nquiu nn'aⁿ na tseixmaⁿna' na
tixcwe mach'ee Ty'o^oots'om jndo'ti ts'oom na luaa'
mach'eeⁿ, nchiiti juu na jndo' n'om nn'aⁿ, ndo'
juu na cwitjeii'na cwenta na tijneiⁿ na tquiaaⁿ na
luaa' tjom Cristo, juu jo' ma'moⁿna' na jndeiityeeⁿ,

nchiiti cha'tso najnda na la'xmaⁿ nn'aⁿ.

26 'O nn'aⁿya na cwila'yu'yo', queⁿ'yo' cwenta na ma'maⁿ Ty'o^ots'om 'o meiⁿ tijndyendyo' cwitjeii' nn'aⁿ cwenta na la'xmaⁿ'yo' nn'aⁿ na jndo' n'om, tijndyendyo' cwiluiindyoy' nn'aⁿ na t'maⁿ cwiluiindyey, tijndyendyo' tuiindyoy' nda nn'aⁿ na tyandyey.

27 Ee macwjii'ñe Ty'o^ots'om nn'aⁿ cwentaaⁿ'aⁿ na tijndo' n'om cha catseijnaaⁿ'na' nn'aⁿ na ndoo' nquiuna na jndo' n'om nquieena. Ndo' macwjii'ñe cwentaaⁿ'aⁿ nn'aⁿ na tit'maⁿ cwiluiindyey cha cantseijnaaⁿ'na' nn'aⁿ na waa na jnda la'xmaⁿ.

28 Quii'ntaaⁿ nn'aⁿ tsjoomnancue macwjii'ñe nn'aⁿ cwentaaⁿ'aⁿ na cje la'xmaⁿ, macwjii'ñe nn'aⁿ na ticuee' n'om nt'omcheⁿ nn'aⁿ, nn'aⁿ na cwitjeii' nt'omcheⁿ cwenta na tjaa yuu l'uendyey. Nmeiiⁿ mach'eeⁿ cha' m'moⁿ'na' na joo nn'aⁿ na nquiuna na t'maⁿ la'xmaⁿ ticjaaquiee' cantyja 'naaⁿna.

29 Cha'tso nmeiⁿ mach'eeⁿ cha meiⁿcwii' ts'aⁿ tincwji's'añe tincwji'scuñe cheⁿnquiuna jo nnoom.

30 Manquiityeeⁿ jnda s'aaⁿ na tjoom' cwiluiindyoy' cantyja 'naaⁿ Cristo Jesús, ndo' cantyja 'naaⁿ jom cwicanda'yo' na jndo' n'om'yo', ndo' na m'aⁿ'yo' na tjaa jnaⁿ cwila'xmaⁿ'yo', ndo' na maqueⁿñooⁿ 'o na lju' n'om'yo' jo nnoom, ndo' na cwilui'n'maaⁿndyo'.

31 Cha'xjeⁿ na matseicandii ñ'oom'm na teiljeii: "Xeⁿ na m'aaⁿ ts'aⁿ na ñe'catseis'aañe cheⁿnquiuna, cwji's'aaⁿ Ty'o^ots'om cantyja na mach'ee ñ'eⁿñe."

2

Cristo jñoom ts'oom'naaⁿ

1 Saa 'o nn'a^{ny}a na cwila'y^u'yo', quia tuacañoo^{ny}a 'o na ñe^{qui}aya ñ'oom na mayuu' na ticaliu nn'aⁿ cantyja 'naaⁿl Ty'o^ots'om, nchii seina^{ny}a ndaa'y^o' ñ'oom na jndo' n'om nn'aⁿ meiⁿ nchii ñ'oom na jeeⁿ ca'naaⁿl na cwila'neiⁿ nn'aⁿ na jndye ñ'oom nquiu.

2 Xjeⁿñeeⁿ tyeⁿ tyom'aaⁿl ts'o^o na ñe'cwii ñ'oom na ñe^{qui}aya ndaa'y^o', ndo' cantyja 'naaⁿl nquii Jesucristo, saa ñequii'cheⁿ cantyja 'naaⁿl na ty'ioom nn'aⁿ jom ts'oom'naaⁿ.

3 Ñet'o^ony^a quii'ntaaⁿ'yo' na tijndo, tyoteindy^o na tyocat'ua^u na aa nncjaacañjoom' ts'iaaⁿ na nnts'aa.

4 Saa quia tyoñe^{qui}aya ñ'oom' Ty'o^ots'om ndaa'y^o', nchii seinaⁿ ñ'oom na cwila'neiⁿ nn'aⁿ na jeeⁿ jndo' n'om, tqui^o na nquii Espí^ritu ñequio najndeii na matseixmaaⁿ teil'uee'ñê ñ'oom'ñeeⁿ.

5 Luaa' tuii cha juu na cwila'y^u'ya n'om'y^o' c'oomna' cantyja 'naaⁿl najndeii na matseixmaⁿ Ty'o^ots'om, nchii cwe' nc'e juu na jndo' n'om nn'aⁿ.

Nc'e Espí^ritu Santo, cwijaantyjo^o' n'om nn'aⁿ cantyja 'naaⁿl Ty'o^ots'om

6 Saa jo ndaaⁿ nn'aⁿ na queeⁿ n'om na cwila'y^u'ya n'om, cwilanaa^{ny}â ñ'oom na jndo' n'o^onyâ, saa juuna' titseijomna' cha'na juu na jndo' n'om nn'aⁿ tsjoomnancue, meiⁿ nchii cha'na ñ'oom na jndo' n'om nn'aⁿ na la'xmaⁿ n'iaaⁿ, na juu jo' wjaanty-cwii cantyja 'naaⁿna.

7 Ee já cwilanaa^{ny}â ñ'oom na jndo' ts'om Ty'o^ots'om. Teiyoticheⁿ wanty'iuu' tyom'aaⁿ ñ'oom'ñeeⁿ ee tyoowe'ntyj^o xjeⁿ na ntyjeeⁿ

na caliu nn'aⁿ juuna'. Ee cwiitjoocheⁿ na nlqueeⁿ tsjoomnancue saa jnda seijndaa'ñê na nnto'ñooⁿya na nlui'n'maaⁿndyo.

⁸ Nquiee nn'aⁿ na cwiluiindy e n'iaaⁿ tsjoomnancue tîcala'noⁿna cantyja 'naaⁿ na luaa' seijndaa'ñê Ty'ooots'om. Ee xeⁿ jla'noⁿna na Jesús cwiluiñê nquii na matsa'ntjom yuu na tjacantya na jeeⁿ neiⁿncoo', quia jo' tîxocaty'ioomna jom ts'oom'naaⁿ.

⁹ Naⁿñeeⁿ tjoomna cha'xjeⁿ na matseineiⁿ ñ'oom' Ty'ooots'om na teiljeii. Matsona':

Joo nn'aⁿ na jnda nquiu Ty'ooots'om,

jnda seijndaa'ñê jndye nnom cwentaana na tjacantya na ya na meiⁿjom tyoonty'iaa nn'aⁿ.

Meiⁿ tyoondyena cantyja 'naaⁿ joo jo',

majndeiticheⁿ na nnc'oom' n'omna chiuu la'xmaⁿna'.

¹⁰ Nquii Espíritu Santo t'mooⁿ ñ'oommeiiⁿ ndaaya, ee jom mal'uetcuuñê cha'tso, hasta ñ'oom na t'maⁿti na matsei'noⁿ nquii Ty'ooots'om.

¹¹ Cantyja 'naaⁿ ts'aⁿ, ¿ñeeⁿ nntsei'noⁿ chiuu m'aaⁿ ts'om cwiicheⁿ ts'aⁿ? Macanda nquii ntyjii. Maluaa' waa cantyja 'naaⁿ Ty'ooots'om, macanda nquii Espíritu na cwiluiñê ntyjii chiuu m'aaⁿ ts'oom.

¹² Jaa tyooto'ñooⁿya juu na m'aaⁿ n'om nn'aⁿ na tyoola'xmaⁿna cantyja 'naaⁿ Ty'ooots'om. Jaa cwito'ñooⁿya Espíritu na mañequiaaⁿ cha nndaaya nla'nooⁿa cha'tso na cwe'yu na mañequiaaⁿ na cwicandaaya.

¹³ Quia cwilanaaⁿya cantyja 'naaⁿ ñ'oommeiⁿ, cwiwil'ueeⁿndyô ñ'oom na ma'moⁿ Espíritu ndaaya, nqueⁿ na cwiluiñê Ty'ooots'om, nchii

ñequio ñ'oom na cwit'mooⁿ nn'aⁿ cantyja na jndo'^l n'om nquiee. Ndo' na luaa', cwiwil'uee'ndyô ñ'oom na matseijndaa'ñe Espíritu na cwit'mooⁿya ndaaⁿ nn'aⁿ na la'xmaⁿna jom.

¹⁴ Saa ts'aⁿ na ticaluiiñe cwentaa' Ty'oots'om titseiñ'oom'ñe ñ'oom na matseijndaa'ñe Espíritu na cwiluiiñe ee ndoo' ntyjii tsaⁿñeeⁿ na cwe' ñ'oom na til'ue joona'. Ee mandaa ts'aⁿ na matseixmaⁿ cantyja 'naaⁿ Espíritu, juu ndaaⁿ nntsei'noⁿ'.

¹⁵ Saa ts'aⁿ na matseixmaⁿ Espíritu ndaaⁿ nntsei'noⁿ' ñ'oommeiⁿ', meiⁿ tjaa 'ñeeⁿ ts'aⁿ na wanaaⁿ na nntso na tixcwe mach'eeⁿ.

¹⁶ Ee ñ'oom' Ty'oots'om na teiljeii matsona': “¿Ñeeⁿ ts'aⁿ jndaⁿ sei'noⁿ' chiuu na m'aaⁿ ts'om Nquii na cwiluiiñe na matsa'ntjom jaa? ¿Ñeeⁿ ts'aⁿ ndaaⁿ nntseijndo' ts'oom?” Saa jaa laxmaaⁿya juu na m'aaⁿ ts'om Cristo.

3

Cwiluiindyô nn'aⁿ na cwila'x'iaa'ndye ñ'eⁿ Ty'oots'om

¹ Cantyja 'naⁿya, 'o nn'aⁿya na cwila'yuyoyo', tîcandaaⁿ nntseinaⁿya ñ'oom cantyja 'naaⁿ Cristo ndaaⁿyo' cha'xjeⁿ na ma'moⁿ ts'aⁿ juuna' ndaaⁿ nn'aⁿ na la'xmaⁿ Espíritu. Tcaⁿna' na nntseinaⁿya juuna' ndaaⁿyo' na cha'cwijom cwiluiindyô' cantyja 'naaⁿ tsjoomnancue, cha'cwijom ndaaⁿ yonch'uu.

² Ee yo'ndaa tileicandaaⁿ nntquiina sei'. Joona macandaaⁿ ndaatsuu' tsondyeena cwiwena. Maluaa' matseijomna' cantyja 'naⁿ 'o. 'O tileicala'noⁿ'yo' ñ'oom' Ty'oots'om na jndei'tina',

ee tyooquiee n'om'yo' cantyja 'naaⁿ'aⁿ. Ndo' meiⁿ je' tileicala'noⁿ'yo' ñ'oom'm na jndei'tina'.

³ 'O ndicwaⁿ la'xmaⁿ'yo' cantyja 'naaⁿ' tsjoom-nancue. Ee na cwila'taa' n'om'yo' nc'iaa'yo' ndo' cwila'ntja'ndyo' ñ'eⁿndyena, ma'moⁿ'na' na tjaa na matseichui'na' 'o ñequio nn'aⁿ na la'xmaⁿ cantyja 'naaⁿ'na'.

⁴ Ee quia cwiindyō 'o nntso: “Ja matseijomndyō cantyja 'naaⁿ' Pablo”, ndo' cwiicheⁿ nntso: “Ja matseijomndyō cantyja 'naaⁿ' Apolos”, ma'moⁿ'na' na la'xmaⁿ'yo' cha'xjeⁿ nn'aⁿ tsjoomnancue.

⁵ Ja Pablo ¿ñeeⁿ cwiluiindyō? Ndo' ¿ñeeⁿ cwiluiñe Apolos? Ñequi'cheⁿ cwiluiindyō nn'aⁿ na cwindya'ntjooⁿyâ nnom Jesucristo na cantyja 'naaⁿyâ jla'yū'yo' ñ'eⁿñê. Cwii cwiindyō ñel'aayâ ts'iaaⁿ na tqiaaⁿ ndaayâ.

⁶ Ts'iaaⁿ na s'aa matseijomna' cha'cwijom ts'aⁿ na manom'. Ndo' ts'iaaⁿ na s'aa Apolos matseijomna' cha'cwijom ts'aⁿ na matseicandaa' ntjom. Saa nquii Ty'oōts'om mach'eeⁿ na tjaanajndei ts'iaaⁿ'ñeeⁿ.

⁷ Ndo' na luaa', meiⁿ juu ts'aⁿ na manom' tit'maⁿ cwiluiñe, meiⁿ ts'aⁿ na matseicandaa'. Nquii Ty'oōts'om t'maⁿ cwiluiñe ee jom mach'eeⁿ na wjaanajndei ts'iaaⁿ'ñeeⁿ.

⁸ Juu ts'aⁿ na manom' ñequio ts'aⁿ na matseicandaa', ñe'cwii xjeⁿ cwiluiindyena. Ndo' nquii Ty'oōts'om nntioml'uaaⁿ ts'aⁿ cantyjati na jnda ñejndi'ntjom nnoom.

⁹ Ee jâ cwe' cwila'xmaaⁿyâ nn'aⁿ na cwilajomndyō ts'iaaⁿ 'naaⁿ' Ty'oōts'om, ndo' 'o la'xmaⁿ'yo' tyuaaⁿ'aⁿ, la'xmaⁿ'yo' cha'cwijom w'aa na mach'eeⁿ.

10 Cantyja 'naaⁿ'na', ja cwiluiindyō cha'cwijom luañetquiee na seijndaa'ñe Ty'ōots'om na maquaⁿ tsiaⁿtsjō'ndo' cwiicheⁿ ts'aⁿ matseicandaā'ñe w'aa nacjoo' juuna'. Saa cwii cwii ts'aⁿ queⁿñe cwenta cantyja 'naaⁿ ts'iaaⁿ na mach'ee.

11 Ee tjaa 'ñeeⁿ ts'aⁿ na nndaā nlqueⁿndyō cwiicheⁿ ts'iaaⁿtsjō' ñequio tsiaⁿtsjō' na waa, na juu jo' tseixmaⁿ'na' Jesucristo.

12 Saa tiñe'cwii nnom 'naⁿ na cwileil'uee'ndye nn'aⁿ na cwil'a ts'iaaⁿ nacjoo' tsiaⁿtsjō'ñeeⁿ. Ee ts'aⁿ na xcwee'ya ts'om na mandi'ntjom nnom Ty'ōots'om, matseijomna' ts'iaaⁿ na mach'eeⁿ cha'cwijom cwii w'aa na cwiluiina' ñ'eⁿ s'om cajaan, oo ñ'eⁿ s'om xuee, oo ñ'eⁿ ljo' na jeeⁿ jnda. Saa ts'aⁿ na tixcwee' ts'om na mandi'ntjom nnom Ty'ōots'om, matseijomna' ts'iaaⁿ na mach'eeⁿ cha'cwijom cwii w'aa na cwiluiina' ñ'eⁿ n'oom, oo ñ'eⁿ neiiⁿ'jnda, oo ñ'eⁿ n'oomljooto'.

13 Juu xuee quia na nncu'xeⁿ Ty'ōots'om nn'aⁿ, nleitquioo'ya chiuu tseixmaⁿ ts'iaaⁿ na tyoch'ee cwii cwii ts'aⁿ. Juu xuee'ñeeⁿ t'maⁿ chom nncuaa, jo' jo' m'moōⁿ'na' chiuu tseixmaⁿ ts'iaaⁿ na tyoch'ee cwii cwii ts'aⁿ.

14 Jo' chii xeⁿ tilco ts'iaaⁿ na tyoch'ee ts'aⁿ, waa naya na nlo'ñoom cantyja 'naaⁿ ts'iaaⁿ na jnda ñes'aaⁿ.

15 Saa xeⁿ nlco ts'iaaⁿ'ñeeⁿ, nntsuuñê cantyja 'naaⁿ juuna'. Nqueⁿ nlui'n'maaⁿ'ñê, saa cwe'ñetomti jo'. Ndo' na luaa' nntjoom nntseijomna' cantyja 'naaⁿ'aⁿ cha'cwijom na nc'uaa' chii jluii'ñê naquii' chom.

16 ¿Aa ticaliu'yo' na 'o cwiluiindyō' waa' Ty'ōots'om ndo' na m'aaⁿ Espíritu Santo naquii'

n'om'yo'?

17 Xeⁿ na m'aaⁿ 'ñeeⁿ juu na nntseyuyuii' waa' Ty'o^oots'om, nntseyuyeeⁿeⁿ tsaⁿ'ñeeⁿ ee lju' cwiluiiñe juuna', ndo' mancjo'yo' cwiluiindyo' w'aa'ñeeⁿ.

18 Meiⁿcwiindyo' 'o tinguuu'nn'aⁿñe cheⁿnquii cantyja 'naaⁿ ñ'oomwaa'. Xeⁿ m'aaⁿ 'ñeeⁿ ts'aⁿ quii'ntaaⁿ'yo' na matseituu na jndo' ts'om cha'xjeⁿ nquiee nn'aⁿ tsjoomanancue cwitjeii'na cwenta, c'oom juu cha'na ts'aⁿ na meiⁿchjoo tijndo' ts'om, cha mayuu'cheⁿ nntseixmaaⁿ ts'aⁿ na jndo' ts'om.

19 Ee juu na cwitjeii' nn'aⁿ tsjoomnancue cwenta na jndo' n'omna, Ty'o^oots'om macwjeeⁿeⁿ cwenta na ntjeiⁿ jo'. Ee waa ñ'oom'm na teiljeiina' na matsona': "Nnt'uii Ty'o^oots'om nn'aⁿ ñequio mañejuu na jndo' n'omna".

20 Ndo' waa cwiicheⁿ ñ'oom'm na teiljeii na matsona': "Nqueⁿ na cwiluiiñê na catsa'ntjoom jaa mantyjeeⁿ joo ñomtiuu 'naaⁿ nn'aⁿ na jeeⁿ jndo' n'om, cwe' ts'iaaⁿ'ndyo jona'."

21 Nc'e na ljo', tintjei's'andyo' na majndaa' ts'aⁿ na cwilajomndyo' ñ'eⁿñe. Ee cha'tso na matseijn-daa'ñe Ty'o^oots'om la'xmaⁿ'na' cwenta'yo'.

22 Meiiⁿ nnc^o Pablo, oo nquii Apolos, oo nquii Pedro, cha'tsondyô cwiluiindyô na cwindya'ntjooⁿyaⁿ ndaa'yo'. Ee cha'tso na s'aa Ty'o^oots'om m'aaⁿ'na' cwentaaya. Cantyja na cwitandoo'a tsjoomnancuewaañe matseixmaⁿ'na' naya 'naaⁿya ee na cwito'ñooⁿya na cwitandoo'a ñ'eⁿñê. Mati cantyja na cwiwjaaya matseixmaⁿ'na' naya 'naaⁿya, nc'e cantyja 'naaⁿ jo' cwitsaaquiaa'a cañoom'luee. Cha'tso na

cwiwinooⁿya je' ñequio na quia wjaawe'cañoomna' cwila'xmaⁿna' na nnteijndeiina' jaa.

²³ Ndo' 'o m'aⁿyo' cwentaa' Cristo ndo' jom cwiluiñê cwentaa' Ty'oots'om.

4

Ts'iaaⁿ na maty'iom Jesucristo apóstoles

¹ Jo' chii catjei'yo' cwenta cantyja 'naaⁿyâ na cwiluiindyô nn'aⁿ na cwindye'ntjom nnom Cristo, ndo' na cwit'mooⁿyâ ndaa nn'aⁿ ñ'oom' Ty'oots'om na wanty'iuu' tyom'aⁿna'.

² Juu ts'aⁿ na waa cwii ts'iaaⁿ na matseixmaⁿ, macaⁿna' na cwitquioo' cantyja 'naaⁿaⁿ na cwiluiñê ts'aⁿ na matseicanda.

³ Saa cantyja 'naⁿya, ticwjaa'ndyo cwenta chiuu waa na 'o cwitjei'yo' cwenta cantyja 'naaⁿ ts'iaaⁿ na matseixmaⁿya oo chiuu nquiu nt'omcheⁿ. Meiⁿ ticu'xaⁿ cheⁿnncô cantyja 'naⁿya.

⁴ Juu na m'aaⁿ ts'ooⁿ tica'moⁿna' aa waa na matseitjoondyo, saa meiiⁿ na ljo' tica'moⁿna' na tjaa jnaⁿya. Nquii Ty'oots'om nncu'xeeⁿ ja.

⁵ Nc'e na luaa', cwitjoocheⁿ na nncwjee'nnda' Ta Jesús, tintjei'yo' cwenta cantyja 'naaⁿ nn'aⁿ na cwindye'ntjom ndaa'yo'. Ee xjeⁿñeeⁿ nnts'aaⁿ na nleitquioo'ya 'naⁿ na cwe' wanty'iuu' cwil'a nn'aⁿ ñequio joo 'naⁿ na cwila'jndaa'ndyena naquii' n'omna. Quia jo' ñnequiaa Ty'oots'om nnom cwii cwii ts'aⁿ cha'xjeⁿ na matsona'.

⁶ 'O nn'aⁿya na cwila'yuy'yo', matseinaⁿya ñ'oommeiⁿ ndaa'yo' cantyja 'naⁿya ñ'eⁿ Apolos cha nnteijndeiina' 'o, ndo' cha cantyja 'naaⁿyâ nntsaala'nôⁿyo' na tincwinom'yo' ñ'oom na

teiljeii, ndo' cha meiⁿcwii ts'aⁿ tincwiji's'aaⁿ cwii ts'aⁿ na mañequiaa ñ'oom' Ty'o^oots'om cha nnts'aana' na ticwentyjō 'naaⁿ cwiicheⁿ.

⁷ Ee ¿chiiuu waa cantyja 'naⁿ na mach'eena' ntyji' na jndandyu'ti' nchiiti cwiicheⁿ? Ndo' ¿cwaaⁿ cwii nnom na matsei'xmaⁿ na nchii nquii Ty'o^oots'om mañequiaaⁿ na matsei'xmaⁿ jo'? Ndo' xeⁿ cwe' jnda' naya'ñeeⁿ, ¿chiiuu na matseis'andyu' na cha'cwijom tiyuu' na jnda' juuna'?

⁸ Mach'eena' na nquii'yo' na la'xmaⁿ'yo' nn'aⁿ na tyandye. Cha'cwijom tjaa meiⁿcwii na macaⁿtina' 'o. Cha'cwijom na cwiluiindyō' nn'aⁿ na cwitsaⁿ'ntjom, meiiⁿ na ticañ'aaⁿyâ. Toom cwe' na mayuu' cwiluiindyō' nn'aⁿ na cwitsaⁿ'ntjom cha mati jâ nla'jomndyō jo' ñ'eⁿndyō'.

⁹ Mach'eena' ntyjii na maqueⁿ Ty'o^oots'om jâ apóstoles na wanty'iaa'ndyotyayâ na cha'tsondye nn'aⁿ. Matseijomna' cantyja 'naaⁿyâ cha'cwijom nn'aⁿ na jnda teijndaa' na nncwje na jndoo'cheⁿ nn'aⁿ ndo' nnty'iaa ángeles.

¹⁰ Cwitjeii' nn'aⁿ cwenta na jâ na cwiñequiaayâ ñ'oom cantyja 'naaⁿ Cristo la'xmaaⁿyâ nn'aⁿ na ntjeiⁿndye saa 'o cwitjei' cheⁿncjo'yo' cwenta na la'xmaⁿ'yo' na jeeⁿ jndo' n'om'yo' cantyja 'naaⁿaⁿ. Cwitjei'yo' cwenta na tileicjaanjoom' cwil'aayâ saa 'o jeeⁿ cwijaanjoom' cwil'a'yo'. Cwila't'maaⁿndye nn'aⁿ 'o saa jâ ticuee' n'omna.

¹¹ Hasta xjeⁿ je', waa xjeⁿ na matseitjōona' na nntquiaayâ ndo' na nncwaaⁿyâ ñequio liaa na nlcwaa'â. Jndye ndii' cwicachōō'â, ndo' meiⁿ tjaa'naⁿ w'aaya.

¹² Cwiwijndyaayâ na cwil'aayâ ts'iaaⁿ. Quia cwitioo nn'aⁿ ñ'oomwi' cjooyâ, cwitaaⁿyâ

na catio'naaⁿñe Ty'o^oots'om jona. Quia cwileintyjona já, cwila'quii n'o^ooⁿya.

13 Quia cwila'neiⁿ nn'aⁿ ñ'om ta^a ts'om nacjooyâ, cwila'joom'na já cha'cwijom to' na niom nnom tsjoomnancue sa^a cwit'o^ooyâ ñequio ñ'oom ya. Hasta xjeⁿ je' cwil'a nn'aⁿ na cwila'xmaaⁿya^a cwii na jeeⁿ ts'iaaⁿ.

14 Nchii cwe' matseiljeiya ñ'oommeiⁿ cha catseijnaaⁿna 'o sa^a cha na nntseijndo'na' n'om'yo' nc'e na cwiluiindy^o ntseindaaya na jeeⁿ wi' ts'o^ooⁿya 'o.

15 Ee meiiⁿ na aa m'aⁿ qui meiⁿ nn'aⁿ na cwit'mo^ooⁿna cantyja 'naaⁿ Cristo ndaa'yo', sa^a ti-jndye lotye'yo' m'aⁿ. Cantyja 'naaⁿ na cwila'yu'ya n'om'yo' ñ'eⁿ Ty'o^oots'om, ja cwiluiindy^o tsotye'yo' nc'e ñ'oom naya na macwji'n'maaⁿñê nn'aⁿ.

16 Jo' chii matseijndo'a n'om'yo', cal'a'yo' cha'xjeⁿ na quits'aaya.

17 Jo' chii majñ^ooⁿya Timoteo na m'aⁿyo', cwiluiiñê jndaaya na jeeⁿ matseicañaaⁿ ndo' na jnda ntyjiya jom, jom nnts'aaⁿ na nncjaañjoom' n'om'yo' chiuu waa na jom'aaⁿ na matseixmaⁿya cwentaa' Cristo Jesús cha'xjeⁿ na ma'mo^ooⁿ ndaa nn'aⁿ cwii tmaaⁿ nn'aⁿ na macwjeeⁿeⁿ cwentaaⁿaⁿ.

18 Ñ'eeⁿndyo' 'o na cwilas'andyo' cheⁿncjo'yo' na cwindu'yo' na tixocjonty'iannda'a 'o.

19 Sa^a tyuaa' nncjocando^oa 'o xeⁿ l'ue ts'om Ta Jesús, ndo' quia ljo'cheⁿ nljeiya chiuu n'om naⁿñeeⁿ na luaa' cwil'ana, nljeiya chiuu tseixmaⁿ ñ'oom na cwila's'andyena.

20 Ee juu na ma'mo^ooⁿna' na matseixmaⁿ ts'aⁿ na matsa'ntjom Ty'o^oots'om jom, xocwitquioo' jo'

cwe' nc'e ñ'oom na matseineiⁿ ts'aⁿ, nleitquioo' jo' cantyja 'naaⁿ na aa matseixmaaⁿ najndei na cwiluiiñe Ty'oots'om.

²¹ ¿Chiuu nl'ue n'om'yo' na cats'aa? ¿Aa nncjocandoo'a 'o na nntseitia'a 'o, oo aa nnc'ooⁿya na wi' ts'ooⁿya 'o, ñequio na jeeⁿ jnda ntyjiiya 'o?

5

Catjei'yo' ts'aⁿ na m'aaⁿya ñ'eⁿ cwiicheⁿ yuscu

¹ Waa ñ'oom na cwiindyoy' 'o mañ'oom tsondyee t'maⁿ ndo' na ljo' meiⁿ nn'aⁿ na tyoola't'maaⁿndye Ty'oots'om tiquil'ana na luaa'.

² Ndo' 'o cwitjei' cheⁿncjo'yo' cwenta na jeeⁿ cwila'candaⁿndyo' meiⁿ tatiato nquiuyoy' na luaa' waa. Matsona' na catjei'yo' tsaⁿñeeⁿ quii'ntaaⁿyo' na luaa' mach'eeⁿ.

³ Meiiⁿ na tic'ooⁿndyo ñ'eⁿndyo', saa cantyja 'naaⁿ espíritu 'naⁿya m'aaⁿya ñ'eⁿndyo', ñequio xuee' Ta Jesucristo jnda tu'xaⁿya ts'aⁿ na luaa' mach'ee.

⁴ Quia cwitjomndyo' na nla't'maaⁿndyo' Ty'oots'om ja nnc'ooⁿya ñ'eⁿndyo' cwe' cantyja 'naaⁿ espíritu 'naⁿya ndo' mati ñequio juu najndei na matseixmaⁿ Ta Jesús nnc'oomna' ñ'eⁿndyo'.

⁵ Ndo' na luaa', la'xmaⁿyo' na catio'yo' tsaⁿñeeⁿ l'o Satanás cha cwi'ndaa' seiiⁿeⁿ saa nlui'n'maaⁿñe espíritu 'naaⁿaⁿ quia na nncwjee'nnda' Ta Jesús.

⁶ Tixcwe na cwitjei'yo' cwenta na jeeⁿ cwila'candaⁿndyo' jo nnom Ty'oots'om ndo' na cwiljoya n'om'yo' na luaa' waa quii'ntaaⁿyo'. ¿Aa ticaliu'yo' na meiiⁿ ñechjoowi' ndaaljo' matseicandeiina' cha'waa tsqueeⁿtyoo'?

7 Jo' chii catjei'ndyo' cantyja 'naaⁿ cha'tsoñ'eⁿ na la'xmaⁿna' ndaaljo' tquie na matsei'ndaa'na' 'o cha nntseijomna' 'o tyoo' na tuiina' ñ'eⁿ tsqueeⁿtyoo' xco na tjaa ndaaljo' tjaquiee' na cwicwa' nn'aⁿ judíos xuee Pascua, na juu tyoo'ñeeⁿ cwiluiindyo'. Ee Cristo cwiluiñê Catsmaⁿ chjoo cwentaaya cantyja 'naaⁿ xuee Pascua 'naaⁿya. Jla'cuee' nn'aⁿ jom ndo' tueeⁿeⁿ cwentaaya.

8 Jo' chii matsona' na calajomndyo xuee Pascua ñequio na xcwee' n'ooⁿya ndo' na mayuu'a, na joo jo' la'xmaⁿna' cha'cwijom tyoo' na tjaa ndaaljo' tjaquiee'. Nchii nlajomndyo xuee Pascua'ñeeⁿ ñequio ndaaljo' tquie na tseixmaⁿna' na quie' n'ooⁿya ndo' natia na cwil'aaya.

9 Ñequio cwiicheⁿ carta'ñeeⁿ tsjooya na tilajomndyo' ñequio nn'aⁿ na cwe' m'aⁿya ñequio nt'omcheⁿ nn'aⁿ.

10 Saa ñ'eⁿ carta'ñeeⁿ nchii ñe'catsjooya na catjei'ndyo'ñ'eⁿyo' ñequio nn'aⁿ tsjoomnancue na cwe' m'aⁿyana ñequio nn'aⁿ oo na m'aⁿna na cwila'queeⁿ n'omna 'naaⁿ cwiicheⁿ ts'aⁿ, oo na jeeⁿ ya cwinquio'nn'aⁿna n'iaana cha nndaã ntjeii'na 'naaⁿ na'ñeeⁿ oo ñ'eⁿ joo nn'aⁿ na cwila't'maaⁿndye 'naⁿ na cwe' nn'aⁿ l'a. Ee xeⁿ tilajomndyo' ñequio nn'aⁿ na laxmaⁿ nmeiⁿ, nlcaⁿna' na calui'yo' tsjoomnancue.

11 Ñ'oom na l'ue ts'ooⁿ na cala'nqⁿyo' cantyja 'naaⁿ carta'ñeeⁿ, ts'aⁿ na matso na matseyu' ñ'eⁿ Jesucristo, meiⁿchjoo tilajomndyo' ñ'eⁿñê xeⁿ m'aaⁿyaaⁿ ñ'eⁿ ts'aⁿ na cwe' luaa'ndyo', oo queeⁿ ts'oom 'naaⁿ cwiicheⁿ ts'aⁿ, oo matseit'maaⁿñê 'naⁿ na cwe' nn'aⁿ l'a, oo cantuñê, oo tsaⁿ candii jom, oo mach'ueeⁿ. Meiⁿ na nlcwa' ñequio ts'aⁿ na

matseixmaⁿ nmeiⁿ til'a'yo'.

¹² Titseixmaⁿya na nncu'xaⁿya nn'aⁿ na tyoola'yu'. Ncjo'yo' la'xmaⁿ'yo' na nntu'xeⁿ'yo' nn'aⁿ na m'aⁿ quii'ntaaⁿ'yo'.

¹³ Nquii Ty'o^ots'om nncu'xeeⁿ nn'aⁿ na tyoola'yu'. Quia jo' catjei'yo' ts'aⁿ jnaⁿñeeⁿ quii'ntaaⁿ'yo'.

6

Ticaty'iomyana' na nlquaaⁿya ñ'oom cjoo nc'iaaya

¹ Quia cwiindyoy' 'o waa ñ'oom na malein'oomna' juu ñequio cwiicheⁿ x'iaa' na matseyu', ¿chiiu na cwiqueⁿ'yo' ñ'oom tsaⁿñeeⁿ jo nnom jwe na nchii ts'aⁿ na matseyu'? Cwa nchii ncjo'yo' na cwila'yu'yo' ñ'eⁿ Ty'o^ots'om nla'jndaa'ndyo' ñ'oom'ñeeⁿ.

² ¿Aa ticaliu'yo' na joo nn'aⁿ na cwiluiindyey cwentaa' Ty'o^ots'om nntu'xeⁿna nn'aⁿ tsjooman-cue? Ndo' nc'e na nntu'xeⁿ'yo' nn'aⁿ tsjoomnan-cue, ¿chiiu na tileicandaaⁿ nntu'xeⁿ'yo' ñ'oommeiⁿ na cwe' cwantindyo jooa'?

³ ¿Aa ticaliu'yo' na nntu'xaaⁿya ángeles? Ndo' nc'e na ljo', majndeiticheⁿ nndaⁿ nla'jndaa'ndyo' ñ'oom na mat'uiina' jaa yuu na ticjaañjoom' na cwil'aaya je'.

⁴ Jo' chii xeⁿ niom ñ'oom na maleichuuna' 'o ñequio nn'aⁿ'yo' na cwilayu', caty'iom'yo' ts'iaaⁿñeeⁿ nn'aⁿ quii'ntaaⁿ'yo' na tit'maⁿ la'xmaⁿ na catu'xeⁿna ñ'oom 'naⁿ'yo'.

⁵ Matsjoo na luaa' cha catseijnaaⁿ'na' o'. ¿Aa nnts'aacheⁿna' na tjaa'naⁿ meiⁿñecwii ts'aⁿ

quii'ntaaⁿ'yo' na jndo' ts'om na nntseijndaa'ñê ñ'oom na maleichuuna' 'o?

6 ¿Aa maxjeⁿ maty'iomyana' na cwiqueⁿ'yo' ñ'oom cjoo' cwii nn'aⁿ'yo' na mati matseyiu'? Jo' chii cwitjomndyo' jo ndaa nn'aⁿ na cwitu'xeⁿ ñ'oom, meiiⁿ na joona nchii nn'aⁿ na cwila'yu'.

7 Juu na cwila'ntja'ndyo' ñequio nc'iaa'yo' na cwila'yu' ma'moⁿ'na' na t'maⁿ waa na cwila'tjoondyo'. Yati caljoya n'om'yo' nawi' na cwil'ana' 'o, meiiⁿ na cwinty'ueena' naⁿ'yo'.

8 Saa 'o xuii' na cwil'a'yo', mancjoondyo' cwita'wi'yo' nn'aⁿ'yo' na cwila'yu' hasta cwinty'uee'yo' 'naaⁿ'na.

9 ¿Aa ticaliu'yo' na joo nn'aⁿ na cwiñequiandye cantyja 'naaⁿ' natia ticalaxmaⁿ'na cantyja na matsa'ntjom Ty'oots'om? Tiñe'quio'nn'aⁿ'ndyo' cheⁿncjo'yo' cantyja 'naaⁿ' ñ'oomwaañe. Nn'aⁿ na cwe' cwitjomndyeyana ñ'eⁿ nn'aⁿ na tyoo'uncona, tixocala'xmaⁿ'na cantyja na matsa'ntjom Ty'oots'om, meiiⁿ nn'aⁿ na cwila't'maaⁿ'ndye 'naⁿ na cwe' nn'aⁿ l'a, meiiⁿ nn'aⁿ na cwe' m'aⁿya ñ'eⁿ nn'aⁿ, meiiⁿ naⁿnom na cwe' ñ'eⁿ ntyjenom m'aⁿ,

10 meiiⁿ nn'aⁿ na cwinty'uee, meiiⁿ nn'aⁿ na queeⁿ n'om 'naaⁿ' cwiicheⁿ ts'aⁿ, meiiⁿ naⁿcandyee, meiiⁿ nn'aⁿ na cwitioñ'oom nn'aⁿ, meiiⁿ nn'aⁿ na cwin-quio'nn'aⁿ ts'aⁿ cha nnda^a ntjeii'na 'naaⁿ'aⁿ.

11 Ñ'eeⁿ'ndyo' 'o na ñe'jla'xmaⁿ'yo' nmeiiⁿ cwitjoocheⁿ na nla'yu'yo', saa je' jnda tmaⁿ'ndyo', jnda tqueeⁿ'ndyo Ty'oots'om 'o, jnda tqueeⁿ 'o na tjaa jnaⁿ la'xmaⁿ'yo' ñequio xuee' Ta Jesucristo ndo' cantyja 'naaⁿ' nquii Espíritu na cwiluiiñe Ty'oots'om cwentaaya.

Maqueⁿlju' Ty'o^ots'om seii' ts'aⁿ

12 Waa ñ'oom na cwilue nn'aⁿ: “Wanaaⁿ na nnts'aa meiⁿljo'cheⁿ na l'ue ts'o^o”ⁿ. Mayuu' na ljo', saa ticha'tso mateijndeina' ts'aⁿ. Ñ'oom na mayuu' wanaaⁿ na nnts'aa yuu na l'ue ts'o^o”ⁿ saa ticatsona' na cwii na mats'aa nlqueⁿna' xjeⁿ 'naaⁿna' ja.

13 Mati cwilue nn'aⁿ: “Juu nantquie tseixmaⁿna' cwentaa' tsiaa' ts'aⁿ, ndo' tsiaa' ts'aⁿ tseixmaⁿna' cwentaa' nantquie.” Ñ'oom na mayuu' jo', saa we nnom nmeiⁿ nnts'aa Ty'o^ots'om na nndyuena'. Saa nchii tqueeⁿ seii' ts'aⁿ na cwe' luaa' nnc'oom ñ'eⁿ cwiicheⁿ ts'aⁿ, tqueeⁿ seii'a na laxmaⁿna' cwentaa' nqueⁿ na matsaⁿntjoom, ndo' jom m'aaⁿ cwentaa' seii'a.

14 Ndo' cha'xjeⁿ na tquiaaⁿ na wando'xco Jesús mati ññequiaaⁿ na nntando^o'xcooya nc'e najndeiⁿ na cwiluiñê.

15 ¿Aa ticaliu'yo' na juu seii'yo' laxmaⁿna' cwii taⁿ seii' Cristo? ¿Aa maty'iomna' na nntseitjooⁿla juuna' ñ'eⁿ cwii yuscu na cwe' luaa' m'aaⁿ ñ'eⁿ nn'aⁿ? Meiⁿchjoo ticaty'iomna'

16 ¿Aa ticala'noⁿyo' quia na matseitjoom'ñe ts'aⁿ ñequio sculjaa', ñe'cwii sei' laxmaⁿna? Ee ñ'oom' Ty'o^ots'om na teiljeii matsona': “Wendye jooa, ñe'cwii sei' la'xmaⁿna.”

17 Ndo' na luaa' waa, quia na matseijomñe ts'aⁿ ñequio Ta Jesús, ñe'cwii cwiluiñê tsaⁿñeeⁿ ñ'eⁿñê.

18 Cha'cwijom na jndeiⁿ maleinom ts'aⁿ cha na ticat'uii cwii na teincuu' jom, maluaa' cal'a'yo' na tic'om'ya'yo' ñ'eⁿ ts'aⁿ na cwe' luaa'. Ee nt'omcheⁿ jnaⁿ na mach'ee ts'aⁿ ticat'uiina' seiiⁿeⁿ, saa ts'aⁿ

na matseitjoom'ñe ñ'eⁿ cwiicheⁿ ts'aⁿ na cwe' luaa', matseicw'aa'ñê jnaⁿ seiiⁿeⁿ.

19 ¿Aa ticaliu'yo' na cwiluiiñe seii'yo' wats'om cwentaa' Espíritu Santo na m'aaⁿ quii' n'om'yo' na jnda tquiaa Ty'o^oots'om na c'oom ñ'eⁿndyo'? Jo' chii ticalaxmaⁿ'yo' na ñnequiandyo' na nl'a seii'yo' yuu na queeⁿ n'omna'.

20 Ee jnda seijnda Ty'o^oots'om 'o ñequio cwii na jeeⁿcheⁿ ndya' jnda. Jo' chii laxmaⁿ'yo' na cala't'maaⁿ'ndyo' jom ñequio seii'yo' ñequio espíritu 'naⁿ'yo' ee na we ndii' jooa' la'xmaⁿ'na' cwentaaⁿ'aⁿ.

7

Ñ'oom cantyja 'naaⁿ nn'aⁿ na jnda t'unco

1 Ndo' je' maw'o ñ'oom na cwita'x'e'yo' nooⁿ nacjoo' carta na jla'cwanom'yo'. Ñecuaa meiiⁿ ticoco tsaⁿs'a,

2 saa jnaaⁿ na jeeⁿ cwe' luaa' cwic'eeⁿ nn'aⁿ ñ'eⁿ nc'iaana, jo' chii yati cwii cwii tsaⁿs'a cocoom ndo' mati cwii cwii tsaⁿscu c'oom saaⁿ'aⁿ.

3 Nquii tsaⁿs'a waa cwii nnom na matseix-maaⁿ na nnts'aaⁿ ñ'eⁿ scoom'm ndo' mati tsaⁿscu waa cwii nnom na matseixmaaⁿ na nnts'aaⁿ ñ'eⁿ saaⁿ'aⁿ. Wendyena quiandyen tyjeena ndaana na cala'candaⁿ'ndyena ñ'oomwaa'.

4 Tsaⁿscu titseixmaaⁿ na nntseintycwii'ñê nnom saaⁿ'aⁿ ee saaⁿ'aⁿ tseixmaⁿ cwenta jom, meiiⁿ tsaⁿs'a titseixmaaⁿ na nntseintycwii'ñê nnom scoom'm ee scoom'm tseixmaⁿ cwenta jom.

5 Cwe' jo' tintseintycwii'ñe ts'aⁿ nnom saaⁿ'aⁿ, nnom scoom'm saa ñequii'cheⁿ wanaaⁿ na nla'ljondyo' xeⁿ waa ñ'oom na jnda t'maⁿ'yo'

na ñe'calaneiⁿ'yo' nnom Ty'o^oots'om. Saa nchii na jndye xuee, tints'aana' na tileicala'quii n'om'yo' ndo' na ljo' nnts'aa Satanás na nla'tjo^ondyo'.

6 Luaa' waa na matsjo^o cantyja 'naaⁿ ñ'oomwaa', saa tintjei'yo' cwenta na tseixmaⁿ'na' ñ'oom na matsa'ntjomna'.

7 Cantyja 'naⁿya toom cwe' cha'tso naⁿnom laxmaⁿ'na cha'na ja, saa tiñe'cwii xjeⁿ na mañequiaa Ty'o^oots'om na laxmaaⁿya. Ee ñ'eeⁿ nn'aⁿ waa cwii nnom na la'xmaⁿ, ndo' nt'omcheⁿ cwiicheⁿ ljo la'xmaⁿ.

8 Ndaa joo naⁿnom na tyoo'unco ndo' mati joo yolcu na jnda ljon^odye, matsjo^o na yati caljoo'ndyena na ñenquieena cha'na m'aaⁿ ja luaañe.

9 Saa xeⁿ tileicwi^oquii n'omna na m'aⁿ ñenquieena, ñecuaa, c'uncona, ee yati na m'aaⁿ ts'aⁿ na we caⁿ, nchiiti na cwe' matseiqueeⁿ ts'oom na ñe'c'oom ñ'eⁿ ts'aⁿ.

10 Saa ndaa 'o na jnda tma'co'yo', luaa waa ñ'oom na matsa'ntjomna', nchii cwe' ñ'oom 'ndyo ja, ñ'oom 'ndyoo nquii Ta Jesús jo': juu scuu' ts'aⁿ ticatoⁿ'ñê ñequio saaⁿ'aⁿ.

11 Saa xeⁿ ma'ñeeⁿ saaⁿ'aⁿ, ticwanaaⁿ na ncoconaaⁿ'aⁿ, matsona' na caljoyaandyennda'na. Ndo' mati juu saaⁿ'aⁿ, tintseityuii' ljeii 'naaⁿna.

12 Ndaa nt'omndyo' 'o na jnda t'unco'yo', luaa matsjo^o nnc^o, nchii matsa'ntjom Ta Jesús na caluii na ljo', xeⁿ na m'aaⁿ ts'aⁿ na matseyiu' saa scoom'm tyootseyiu' ndo' tsaⁿ'ñeeⁿ cwiljoya ts'om na m'aaⁿ ñ'eⁿ'ñê, tintoⁿ'ñê ñequio scoom'm.

13 Ndo' cwii yuscu na matseyiu', xeⁿ saaⁿ'aⁿ tyootseyiu', saa cwiljoya ts'om na cwiljoo'ñe ñ'eⁿ'ñê,

tintseityuee^{ne} ljeii na tocoom ñ^eñe.

14 Ee maque^{ndyoo} Ty'oots'om saa' yuscu na tyootseyu' nc'e na cwiluiñê saa' yuscu na matseyu'. Ndo' mati maque^{ño} scuu' ts'aⁿ na tyootseyu' nc'e saaⁿaⁿ tseixmaⁿ ts'aⁿ na matseyu'. Ee xeⁿ nchii na luaa' waa, quia jo' nda joona nla'xmaⁿ cha'na nda nn'aⁿ na tyoola'yu', saa na mayuu' maque^{na} nda joona cantyja 'naaⁿ tmaaⁿ cwentaa' Ty'oots'om.

15 Saa xeⁿ juu ts'aⁿ na tyootseyu' ñe'catseityuee^{ne} ljeii na tocoom ñ^e saaⁿaⁿ oo scoom'm, quia jo' ñecuaato na ca'ñeeⁿ. Quia na luaa' waa maxjeⁿ til'aaya na jndei'na' na caljoo'ñe ts'aⁿ. Ee Ty'oots'om l'ue ts'oom na ticachooya tia' ñequio nn'aⁿ w'aaya.

16 Ee ¿chiiu ntyji'yu' 'u tsaⁿscu na matsei'yu' na jnda tma'co' na xocatsei'yu' sa' ñ^e Ty'oots'om cantyja 'naⁿ? Ndo' mati 'u tsaⁿs'a na matsei'yu' na jnda tma'co', ¿chiiu ntyji'yu' na xocatseyu' scu' cantyja 'naⁿ?

Tilajndaqya na nlachui'a na tyolaxmaa'ya

17 Ticwii cwiindyoyo' 'o, caljoya ts'om chiiu waa na jnda tquiaa Ty'oots'om na matseixmaⁿ quia na t'maaⁿ juu. Luaa' waa ñ'oom na mañequiaaya ndaa nn'aⁿ cha'tso ntmaaⁿ nn'aⁿ na macwjee^{ne} cwentaaⁿ.

18 Quia na t'maaⁿ 'u, ¿aa jnda tuii 'naaⁿ sei' cha'xeⁿ cwil'a nn'aⁿ judíos yonom ndana? Tintseichui' na luaa' waa. Ndo' xeⁿ aa tyooluii 'naaⁿ sei' quia na t'maaⁿ 'u, tacaⁿna' na caluii na ljo'.

19 Ee ticateijndeina' ts'aⁿ xeⁿ na tuii 'naaⁿñeeⁿ tjaaⁿaⁿ meiiⁿ xeⁿ ticaluiina'. Ñ'oom na jndati

na catseicanda ts'aⁿ ñ'oom na matsa'ntjom Ty'o^ots'om.

²⁰ Jo' chii meiⁿquia cwii nnom na matseixmaⁿ ts'aⁿ quia na t'maⁿ Ty'o^ots'om jom, jo' jo' caljoya ts'oom.

²¹ ¿Aa cwiluiindy^u' ts'aⁿ na mandi'ntjomtyeⁿ quia na t'maaⁿ 'u? Tinc'oom' ts'om' na ljo', saa xeⁿ nncju'naaⁿñena' na ndyaandy^u', cwa catsa' na ljo'.

²² Ee ts'aⁿ na m'aaⁿ na mandi'ntjomtyeⁿ quia na t'maⁿ Ty'o^ots'om jom na catseyoom'm ñ'eⁿ Ta Jesús, je' cwiluiiñe ts'aⁿ na jnda seicandyaa'ñê. Ndo' maljoyu cantyja 'naaⁿ' ts'aⁿ na m'aaⁿ xjeⁿ 'naaⁿ' quia na t'maⁿ Cristo jom, je' cwiluiiñe ts'aⁿ na mandi'ntjomtyeⁿ nnoom.

²³ Juu ñequio na seijnda Ty'o^ots'om 'o, jeeⁿ ndya' jnda jo'. Jo' chii tiñequiandyo' na laxmaⁿ'yo' nn'aⁿ na cwindye'ntjomtyeⁿ ndaaⁿ nn'aⁿ.

²⁴ Quia jo' 'o nn'aⁿya, cwii cwiindy^o' caljoya ts'om chiuu waa na tyotseixmaⁿ xjeⁿ na t'maⁿ Ty'o^ots'om juu.

Nn'aⁿ na tyoonc'unco ndo' yolcu na jnda ljondye

²⁵ Ñ'oom na cwita'x'ee'yo' nooⁿ cantyja 'naaⁿ yolcu na tyoo'unco, tjaa'naⁿ ñ'oom na matsa'ntjom Ta Jesús ja cantyja 'naaⁿ' ñ'oomwaa'. Saa nc'e na matseixmaⁿya ts'aⁿ na wi' ts'oom, ntyjii na ndaaⁿ nla'ñ'oom'ndyo' ñ'oom na matsjo^o cantyja 'naaⁿ' ñ'oomwaa'.

²⁶ Cwe' nc'e jndye nnom quich'eena' tiempomeiiⁿ, jo' chii macwjii'a cwenta na yaticheⁿ caljoo'ñe ts'aⁿ cha'xjeⁿ na jnda teijnoom'm.

27 Xeⁿ m'aaⁿ scu', tintseityuii' ljeii na tma'co' jom. Saa xeⁿ tjaa'naⁿ scu', tical'ue' ts'aⁿ na nluiiñe scu'.

28 Saa xeⁿ aa mma'co', tjaa'naⁿ jnaⁿ naljo'. Ndo' mati cwii yuscundyua, tjaa jnaaⁿ xeⁿ ncoco. Ee jndye nnom nawi' quich'eena' na nntjoom nn'aⁿ na nnc'unco ndo' ñe'cateijndeiya 'o na tincwinom'yo' joona'.

29 'O nn'aⁿya na cwila'yu'yo', luaa waa na ñe'catsjooya: Jnda teitsioo' xuee na nncwjee'nnda' Cristo. Nc'e na ljo' joo nn'aⁿ na jnda t'unco, c'omna cha'cwijom tjaa'naⁿ lcuuna, tjaa'naⁿ s'aana.

30 Joo nn'aⁿ na m'aⁿ na chjoo' n'om, c'omna cha'xjeⁿ quia waa xuee. Ndo' joo nn'aⁿ na m'aⁿ ncuee, c'omna cha'cwijom m'aⁿna na chjoo' n'omna. Ndo' nn'aⁿ na cwilajnda 'naⁿ c'omna cha'cwijom nchii 'naaⁿna jo'.

31 Ndo' joo nn'aⁿ na cwiwil'uee'ndye 'naⁿ na cwila'xmaⁿ cantyja 'naaⁿ tsjoomnancuewaañe, matsona' na c'omna cha'cwijom na ticajnda nquiuna ljo' la'xmaⁿna', ee juu na matseixmaⁿ tsjoomnancuewaañe mawjaantycwiina'.

32 Til'ue ts'oqⁿ na jndye ñomtiuu nc'om'yo', ee ts'aⁿ na tjaa'naⁿ scuu', m'aaⁿ ts'oom chiuu nnc'oom jo nnom Ta Jesús, na nncjaawee' ts'oom ñ'eⁿñe,

33 saa ts'aⁿ na m'aaⁿ scuu', m'aaⁿ ts'oom cantyja 'naaⁿ 'naⁿ na macaⁿna' cha neiiⁿ scoom'm ñ'eⁿñe.

34 Ndo' na luaa' waa, tiñecwii m'aaⁿ ts'oom. Ñecwii xjeⁿ mat'uiina' cantyja 'naaⁿ yuscu na tjaa'naⁿ saa' ñequio yuscu ndyua na tyoococo. Jona m'aaⁿ n'omna cantyja 'naaⁿ ts'iaaⁿ 'naaⁿ Ta

Jesús, na ñnequiandyenñ'e^{na} na la't'maaⁿndyena jom cantyja 'naaⁿ seiina ñequio espíritu 'naaⁿna. Saa yuscu na jnda mam'aaⁿ saa', m'aaⁿl' ts'oom cantyja 'naaⁿl' 'naⁿ na macaⁿna' ndo' ñequio chiuu na nnc'oom cha nncjaawee' ntyjii saaⁿl'aⁿ ñ'eⁿñê.

³⁵ Nchii matsjoo ñ'oommeiⁿl' ndaa'yo' ee tical'ue ts'ooⁿ na nnc'unco'yo' saa cha na nnteijndeina' 'o ndo' cha na xcwee' n'om'yo' na ndye'ntjom'yo' nnom Ta Jesús.

³⁶ Ñ'oom na jndu'yo' na m'aaⁿ cwiindyoyo' 'o na m'aaⁿ nomjnda na jnda jaawinom'na' na ndyuañe ndo' 'u na tsotyeeⁿ jnda mamatseitiuu' na ya xeⁿ nncocotoom, maxjeⁿ ya na nluui na ljo'. Ee nchii jnaⁿl' na nntsa' na ljo'.

³⁷ Saa xeⁿ m'aaⁿ cwii ts'aⁿ na jnda seijndaa'ñe naquii' ts'om na xonquiaa na nncoco nomjnda, ee na manty'iaa' na ticaⁿna', ya cats'aa na ljo'.

³⁸ Quia jo' ya mach'ee ts'aⁿ na maw'o ñomcaa' jnda, saa yati mach'ee juu ts'aⁿ na matseiljo nomjnda.

³⁹ Yuscu na m'aaⁿ saa', mat'uiityeⁿna' juu ñ'eⁿñê yocheⁿ na wando' tsaⁿl'ñeeⁿ. Saa xeⁿ nncue' tsaⁿl'ñeeⁿ, wanaaⁿ na ncoconnaaⁿl'aⁿ ñ'eⁿl' meiqⁿquia ts'aⁿ na l'ue ts'oom, macanda ñequii'cheⁿ ñ'eⁿl' ts'aⁿ na matseyu'.

⁴⁰ Saa matseitiuu yati mach'eeⁿ xeⁿ na nljoo'ñê na ñenqueⁿ. Luaa' m'aaⁿl' ts'ooⁿ cantyja 'naaⁿl' ñ'oomwaa' ndo' mantyjii na matseixmaⁿya Espíritu na cwiluiñe Ty'oots'om.

8

Nantquie na cwila't'maaⁿndye nn'aⁿ 'naⁿ na cwe'

nn'aⁿ nl'a

¹ Je' nnc'oya ñ'oom na cwita'xe'yo' cantyja 'naaⁿ seii quioo' na cwila'cwjee nn'aⁿ na cwila't'maaⁿndyena 'naⁿ na cwe' nn'aⁿ l'a. Ñ'oom na mayuu' na cha'tsondyo cwiluiindyo nn'aⁿ na jndo' n'ooⁿya cantyja 'naaⁿ ñ'oomwaa', ndo' juu jo' wjan'oomna' jaa na c'ooⁿya na s'andyo, lcundyo. Saa juu na m'aaⁿya na jnda nquiuuya nn'aⁿ, mateijndeiina' na tsaanajndaaya na cwila'yuu'a.

² Ts'aⁿ na matseitiuu na jndye waa na jndo' ts'om, tyootsei'noⁿ cha'xjeⁿ na macaⁿna' na caljeii.

³ Saa nquii ts'aⁿ na jnda ntyjii ñequio Ty'ooots'om, mawajnaⁿaⁿ tsaⁿñeeⁿ.

⁴ Cantyja 'naaⁿ aa wanaaⁿ na nntquie'yo' seii quioo' na cwiwil'uee'ndye nn'aⁿ na cwila't'maaⁿndye 'naⁿ na cwe' nn'aⁿ l'a, cwila'nooⁿa na meiⁿcwii tjaa ljo' la'xmaⁿ joona' ee maxjeⁿ macanda nqueⁿ m'aaⁿ.

⁵ Ee cañoom'luee ñequio tsjoomnancue jndye nnom na maniom na cwila't'maaⁿndye nn'aⁿ na cwiluena na t'maⁿ ñ'oom la'xmaⁿ, saa joona' nchii nquii Ty'ooots'om cwiluiindyena'. Ndo' na mayuu' na jndye 'naⁿ maniom na cwilue nn'aⁿ "Ta" ndaana', ndo' cwituee'ndyecjena cantyja 'naaⁿ joona'.

⁶ Saa cantyja 'naaⁿ jaa nmeiiⁿ ñecwii Ty'ooots'om m'aaⁿ, ndo' jom cwiluiiñê Tsotyaaaya. Cantyja 'naaⁿ jom cha'tso na maniom, jom tqueeⁿ jo', ndo' nc'e jom, jo' na m'aaⁿya. Ndo' mati ñecwii m'aaⁿ na cwiluiiñe na matsa'ntjom jaa, nquii Jesucristo. Cha'tsoti na maniom, cwim'aⁿna' nc'e nqueⁿ, mandii ñ'aaⁿ jaa.

7 Saa ticha'tsondye nn'aⁿ cwila't'noⁿna na ljo' ee jnda ljeii'na' na cwila't'maaⁿndyena cwii na cwe' nn'aⁿ l'a, ndo' quia cwicwa'na nantquie'ñeeⁿ, cwitjeii'na cwenta na cwila't'maaⁿndyena ju-una'. Ndo' nc'e na tyoowijndo' n'omna cantyja 'naaⁿ ñ'oommeiⁿ, jo' chii juu na m'aaⁿ n'omna tseixmaⁿna' cwii na jnda t'aa'na' na cwajndii.

8 Ee nchii cwe' aa macwa' ts'aⁿ nantquie'ñeeⁿ, oo, aa ticwaaⁿaⁿ joona', jo' na macjaawee'ntyjii Ty'oots'om jom. Meiⁿ nchii na jeeⁿ ya nn'aⁿndyotyaaⁿ xeⁿ cwicwaa'a joona', oo nchii nn'aⁿ na tiann'aⁿndyotyaaⁿ xeⁿ ticwaa'a joona'.

9 Saa cal'andyo' cwenta na juu luaa' na wanaaⁿ na c'om'yo', titseixmaⁿna' cwii na nnts'aana' na nntseitjooñe cwii nn'aⁿyo' na cachjoo matseyiu'.

10 Ee xeⁿ 'u na ntyji' chiuu wanaaⁿ na nntsa', mawacatyene' cwii joo yuu na cwila't'maaⁿndye nn'aⁿ cwii na cwe' nn'aⁿ l'a, ndo' cwii ts'aⁿ na tityeⁿ na matseyiu' nty'iaaⁿaⁿ 'u jo', nndaⁿ nnts'aana' na mache' na luaa', nnc'omt'maaⁿñe ts'oom na mati lcwaaⁿaⁿ 'naⁿ na cwila't'maaⁿndye nn'aⁿ ty'oⁿñeeⁿ.

11 Ndo' na luaa', juu na matsei'noⁿ na wanaaⁿ na ljo' mache', nntsei'ndaa'na' juu nn'aⁿ na tityeⁿ matseyiu', na mati tue' Cristo cwentaaⁿaⁿ.

12 Quia laa'ti' cwil'a'yo' ñequio joo nn'aⁿyo' na tit'maⁿ cwilayu'ya n'om, cwila'tjoondyo' ndaana na cwila'ñ'eeⁿndyo' n'omna. Ndo' mati cwilaxmaⁿyo' jnaⁿ jo nnom Cristo.

13 Jo' chii xeⁿ cantyja 'naaⁿ na macwa'a cwii nnom nantquie na cwiwil'uee'ndye nn'aⁿ na cwila't'maaⁿndye cwii na cwe' nn'aⁿ l'a, xeⁿ jnaaⁿ jo' matseitjooñe cwii nn'aⁿya na matseyiu',

quia jo' tajom cwincwaa'nnda'a juuna' cha tintseilcwe'tya'na juu nn'aⁿya.

9

Ts'aⁿ na cwiluiñe apóstol, waa najndei na matseixmaaⁿ

¹ Joo na wanaaⁿ na l'a apóstoles, mati ja tseixmaⁿ jo' ndo' chiuu waa na laxmaⁿna, mati jo' matseixmaⁿya. Jnda nty'ianooⁿya Jesús na cwiluiñê na matsa'ntjoom jaa, ndo' 'o cwiluiindyo' cwentaaⁿaⁿ nc'e ts'iaaⁿ 'naaⁿaⁿ na tyots'aaya quii'ntaaⁿ'yo'.

² Nndaã nnts'aana' na nt'omcheⁿ nn'aⁿ cwitjeii'na cwenta na ticaluiindyo apóstol, saa jo ndaa 'o matsona' na cwiluiindyo na ljo' ee juu na cwila'yu'yo' ma'moⁿna' na ljo'.

³ Ndaã joo nn'aⁿ na cwilue na nchii cwiluiindyo apóstol, luaa waa ñ'oom na matseilcwa'a ndaãna.

⁴ Waa na matseixmaⁿya na wanaaⁿ na nnc'o'ñooⁿ na macaⁿna' na nlcwaa'a ndo' na nlcwaya,

⁵ ndo' mati wanaaⁿ na nncjaañ'eⁿ cwii yuscu na matseyu' quia jonquiaya ñ'oom naya cha'xjeⁿ cwil'a nt'omcheⁿ apóstoles, ñequio ntyjee nquii Ta Jesús ndo' mati Pedro.

⁶ Ndo' ¿aa m'aaⁿ n'om'yo' na cwe' macanda nquii Bernabé ñ'eⁿndyo ja na ticatsona' na nnteixe'yo' já?

⁷ Ee ¿'ñeeⁿ sondaro na cwe' nquii matseicatsuu 'naⁿ na macaⁿna' juu na macaa ndia'? Ndo' ¿'ñeeⁿ ts'aⁿ na manom' cwii ntjom l'oo uva na tiquii taã'na'? Ndo' ¿'ñeeⁿ ts'aⁿ na mateix'e canmaⁿ na tic'uu ndaatsuuyo'?

8 Meiⁿ ticala'tiuu'yo' na cwe' tomti ñ'oom na m'aaⁿ n'om nn'aⁿ na macwjii'a. Ee ljeii na tquiaa Ty'o^ots'om nnom Moisés, majo'ti matsa'ntjomna'.

9 Ee naquii' libro'ñeeⁿ teiljeii: “Tintjaa'ndyo' bosa ndyuee quioo'ndyo yocheⁿ na cwil'a'yo' ts'iaaⁿ.” Saa meiiⁿ na ljo' teiljeii, nchii macanda ma'moⁿna' na cwe' cantyja 'naaⁿ quioo'ndyo ñjom ts'om Ty'o^ots'om.

10 Nc'e na m'aaⁿ ts'oom cantyja 'naaⁿya, jo' chii teiljeii ñ'oomwaa'. Naya 'naaⁿya na teiljeiina', ee juu ts'aⁿ na matseindyaa tyuaa ñequio juu ts'aⁿ na macwja' lqueeⁿ, cwil'ana ts'iaaⁿmeiⁿ na ntyjaa' n'omna na nleil'uee'ndyena na cwiwe'.

11 Jo' chii nc'e na jnda jnoⁿâ tsjaaⁿ cantyja 'naaⁿ Espíritu naquii' ntaaⁿyo', ticwinom'na' na ñnequia'yo' na cwitaaⁿyâ ndaaⁿyo' chjoowi' 'naⁿyo' cha'cwijom cwii na jnda tue'.

12 Nt'omcheⁿ nn'aⁿ na cwit'mo^on ndaaⁿyo' cwil'ana na cateijndei'yo' joona. Ndo' majndeiticheⁿ jâ wanaaⁿ na cateijndei'yo'.

Meiiⁿ na wanaaⁿ na ntaaⁿyâ na cal'a'yo' na ljo', saa meiⁿjom ndii' tyool'uuyâ. Ee cwila'quii n'o^onⁿyâ naquii' na cwitjo^onⁿyâ cha ticatseitsaaⁿñena' na ya tsandye'yo' ñ'oom' Ty'o^ots'om.

13 'O manquiu'yo' nquiee ntyee cwentaa nn'aⁿ judíos na cwindye'ntjom naquii' wats'om t'maⁿ cwitquiina seii quioo' na cwila'cwjeena na cwiñequia nn'aⁿ na cwila't'maaⁿndyena Ty'o^ots'om. Wanaaⁿ na cwitquiina sei'ñeeⁿ ee jo' jo' waa tio t'maⁿ yuu cwindye'ntjomna nnoom.

14 Ndo' cha'xjeⁿ cwicandaa naⁿñeeⁿ 'naⁿ na cwiwil'uee'ndyena, maluaa' sa'ntjom Ta Jesús

na joo nn'aⁿ na cwiñe'quia ñ'oom naya 'naaⁿaⁿ nnto'ñoomna ljo' na macaⁿna' joona nc'e ñ'oom'm na cwiñe'quiána.

15 Saa meiⁿjom ndii' tyoocaⁿa na ñnequia'yo' ljo' na macaⁿna' ja, meiⁿ nchii matseiljeiya ñ'oomwaañe cha nnteijndei'yo' ja. Ee yati ntyjii meiⁿ na aa nc'io na tintsuu nayawaañe na cantyja 'naaⁿ jo' matseis'andyo.

16 Saa tyoocwji's'andyo na mañequiaya ñ'oom naya 'naaⁿ Ty'o^ots'om ndaa'yo' ee ts'iaaⁿñeeⁿ matseixmaⁿya. Ndo' jeeⁿ nty'iaa'ndyo xeeⁿ ticatseicandaya juuna'.

17 Jo' chii xeⁿ mañequiaya ñ'oom nc'e na l'ue ts'o^oⁿ nnc^o, matsona' na nncwantjoⁿ, saa xeⁿ mats'aa na ljo' nc'e na maty'ioom ts'iaaⁿñeeⁿ ja, quia jo' cwe' matseicandaa'ndyo ts'iaaⁿ na ty'ioom ja.

18 Quia jo' juu na mawantjoⁿ, na m'aaⁿya na neiⁿya na mañequia ñ'oom na macwji'n'maaⁿñe Ty'o^ots'om nn'aⁿ na meiⁿcwii na chojna'yo' no^oⁿ, na nchii nncwantjoⁿya 'naⁿ na macaⁿna' ja na mañequiaya ñ'oom naya 'naaⁿ Ty'o^ots'om.

19 Ja meiⁿ nchii cwiluiindy^o moso na mandl'ntjomtyeⁿ nnom patrom 'naaⁿ, saa jnda tqueⁿndyo cheⁿnnc^o na matseixmaⁿya na ljo' ndaa cha'tso nn'aⁿ. Mats'aa na ljo' cha majndyeti nn'aⁿ nncwantjoⁿ cwentaa' Cristo.

20 Quia na m'aaⁿya quii'ntaaⁿ nn'aⁿ judíos, mats'aa cha'na cwii joona na m'aⁿna nacje 'naaⁿ ljeii na tquiaa Moisés cha nncwantjoⁿya joona cwentaa' Cristo, meiⁿ tic'o^oⁿya nacje 'naaⁿna'.

21 Ndo' jo ndaa nn'aⁿ na tic'omna nacje 'naaⁿ ljeii na tqueⁿ Moisés, mats'aa cha'na cwii

nquieena cha nncwantjō^{ny}a jooa, meiiⁿ na mayuu' m'aa^{ny}a nacje 'naaⁿ ljeii 'naaⁿ nquii Ty'ōots'om nc'e na m'aa^{ny}a nacje 'naaⁿ Cristo.

²² Quia na m'aa^{ny}a ñ'eⁿ nn'aⁿ na cachjoo na cwila'yu'ya n'om, mati mats'aa na cachjoo matseyu'ya ts'ōōⁿ cha mati nncwantjō^{ny}a jooa. Ndaa cha'tso nn'aⁿ mats'aa na matseixma^{ny}a cha'xjeⁿ jooa cha nt'omndye jooa nluin'maa^{ny}ndyena.

²³ Mats'aa cha'tso nmeiⁿ nc'e ñ'oom naya na cantyja 'naaⁿ jo' cwilui'n'maa^{ny}ndye nn'aⁿ cha mati nntseijomndyō ñequio naya na cwito'ñoom nn'aⁿ cantyja 'naaⁿna'.

²⁴ 'O manquiu'jndaa'ndyo' quia cwitjomndye nn'aⁿ na nleinom, cha'tsondyena cwileinomna, saa macanda juu ts'aⁿ na nncuee'jndyee nla't'maa^{ny}ndye nn'aⁿ juu. Quia jo' cala'jnda'yo' cha'xjeⁿ matseijndei tsaⁿñeeⁿ. Cjoo'yaya n'om'yo' na cwindye'ntjom'yo' nnom Ty'ōots'om cha mati nntseit'maaⁿñê 'o.

²⁵ Saa cjaañjoom' n'om'yo' cantyja 'naaⁿ joo nn'aⁿ na cwileinom, jndye nnom na cwila'ljondyena, ee cwicantyyaa' n'omna na nnta'ntjomna, meiiⁿ juu 'naⁿ na cwita'ntjomna tyuaa' cwiwi'ndaa'na'. Jo' chii mati jaa cjoo'yaya n'ōō^{ny}a na cwindya'ntjōō^{ny}tyaa^{ny}a nnom Ty'ōots'om nc'e juu na nnto'ñōō^{ny}a na ññequiaaⁿ ndaaya tijoom cwi'ndaa'na'.

²⁶ Cantyja 'naⁿ ja luaa tyoots'aa cha'na mach'ee ts'aⁿ na cwe' maleinomto na tijndaa' yuu wjaayuu. Cantyja na mandi'ntjō^{ny}a nnoom, meiⁿ tyoots'aa cha' cwil'a nn'aⁿ na cwe' cwituee'to nnda' naquii' jndye.

27 Nchii nmeii^{n!} mats'aa. Ja ñequio na jndei'na' maju'cja seii'a na catseicandana' na matsa'ntjōⁿya juuna', cha cwii na jnda' t'mōōⁿya ndaa' nt'omcheⁿ ticwji'ndyona' ja na ticwil'uendyō naquii' ts'iaaⁿ 'naa^{n!} Cristo.

10

Ticala't'maaⁿndyō meiⁿquia na cwe' nn'aⁿ l'a

1 'O nn'aⁿya na cwila'yu'yo', l'ue ts'ōōⁿ na cala'noⁿyo' quia jlui' welooya nn'aⁿ judíos Egipto, cha'tsondyena tyotseintyō Ty'ōōts'om ncwaa^{n!} nchquiu nacjoona ndo' cha'tsondyena teinomna Ndaaluee Wee.

2 Ndo' na luaa', cha'tsondyena teits'oomndyena na seitjoom'na' joona ñ'eⁿ Moisés quia na tyotseintyōna' nchquiu'ñeeⁿ cjoona ndo' na teinomna ndaaluee'ñeeⁿ.

3 Ndo' mati cha'tsondyena tyocwa'na maná na tquiaa Ty'ōōts'om na jnaⁿna' cañoom'luee,

4 ndo' cha'tsondyena tyowena ndaatioo na tyocalui'na' quii' tsjō' na ñ'eⁿ ñ'eⁿna' ñ'eⁿndyena. Nquii Cristo cwiluiñe tsjō'ñeeⁿ.

5 Saa' meiiⁿ na luaa' tyom'aⁿna, maxjeⁿ majndyendyetina ticjaawee' ntyjii Ty'ōōts'om ñ'eⁿndyena ee tical'ana yuu na l'ue ts'oom. Macwe' jo' jndyendyena tjāna ndyuaa yuu tja nn'aⁿ c'oom.

6 Cha'tso nmei^{n!} na tyotjoomna laxmaⁿna' cwii na ma'mōⁿna' ndaaya na tila'queeⁿ n'ōōⁿya cwii cwii nnom natia cha'xjeⁿ tyola'queeⁿ n'omna.

7 Jo' chii tila't'maaⁿndyō' cwii na cwe' nn'aⁿ l'a cha'xjeⁿ ñel'a nt'omndye joona ee tso ñ'oom na teiljeii: “Ty'ewindyuaandye nn'aⁿ na nlcwa' ndo'

na nncwe, jnda jo' teicantyjana na l'ana cha'xjeⁿ nn'aⁿ na tic'om nacje 'naaⁿ Ty'o^ots'om.”

8 Meiⁿ tanc'o^oya na cwe' luaa'ndyo ñ'eⁿ nt'omcheⁿ nn'aⁿ cha'xjeⁿ na tyol'a joona ee jnaaⁿ jo' na s'aa Ty'o^ots'om na ñecwii xuee tja ntquiuu nchoo' ndyee meiⁿndyena.

9 Meiⁿ tacal'aaya xjeⁿ Cristo cha'xjeⁿ ñel'a nt'omndye joona, ee jo' na tquii canduu joona ndo' tjana.

10 Meiⁿ tilancjoo'ndyo' nnom Ty'o^ots'om cha'xjeⁿ ñel'a nt'omndye joona, ndo' jnaaⁿ jo' na jñoom ángel na jndyotseicwjee joona.

11 Cha'tso nmeiⁿ na tyotjoom weloo welooya, laxmaⁿna' cwii na ma'moⁿndyeyuna' ndaaya, ndo' teiljeii joona' quii' ñ'oom' Ty'o^ots'om cwii na matseijndo'na' n'o^oya chiuu macaⁿna' na c'o^oya ncueemeiiⁿ na macanda.

12 Jo' chii ts'aⁿ na matseituu na meintyjee'tyeⁿ cantyja 'naaⁿ Ty'o^ots'om, cats'aañe cwenta na ticju'cjena' juu.

13 Ee joo na cwiwinom'yo' na maqueⁿna' xjeⁿ 'o cha cala'tjo^ondyo' nnom Ty'o^ots'om, ticachuii'na' ñequio na cwitjoom nt'omcheⁿ nn'aⁿ. Sa^a jom cwiluiiñê na mayoom'm, meiⁿ tijoom quiaaⁿ na juu na maqueⁿna' xjeⁿ 'o nncwinom'na' juuna' na xocanda^a nna'ndyo' ndo' mati ññequiaaⁿ na ya nluii'ndyo' naquii' juuna'.

14 Jo' chii 'o nn'aⁿya na jeeⁿ wi' ts'o^oya, cantyja 'naaⁿ na nla't'maaⁿndyo' 'naⁿ na cwe' nn'aⁿ cwil'a, c'om'yo' cha'na ts'aⁿ na jndei maleinom na nquiaⁿaⁿ na nnt'uii nawi' jom.

15 Matsjoo na ljo' ndaa'yo' ee ntyjiiya na 'o cwila'noⁿyo'. Jo' chii queⁿya'yo' cwenta ñ'oom na

matsjoo.

16 Ee cwiñequiaaya na quianl'uaa' Ty'ooots'om xjeⁿ na cwito'ñooⁿya waso, juu jo' ma'moⁿna' na cwilajomndyo cantyja 'naaⁿ' nioom' Cristo. Ndo' quia cwityjaaya tyoo' ma'moⁿna' na cwilajomndyo cantyja 'naaⁿ' seiiⁿeⁿ.

17 Ee meiiⁿ na jndyendyo saa ñe'cwii tyoo' cwicwaa'a ndo' nc'e na ljo' ñe'cwii sei' cwilui-indyo.

18 Cala'noⁿ'yo' cantyja 'naaⁿ' tmaaⁿ' nn'aⁿ Israel. Nn'aⁿ na cwitquiina seii quioo' na cwitioona nacjoo' tio wats'om t'maⁿ, xjeⁿñeeⁿ cwilajomndyena cantyja 'naaⁿ' quioo' na cwila'cwjeena.

19 Ndo' na matsjoo na luaa', tila'tiuu'yo' na ñe'catsjoo na juu 'naⁿñeeⁿ na cwila't'maaⁿndye nn'aⁿ waa najndei na matseixmaⁿna' meiⁿ nchii na ñe'catsjoo na juu sei' na cwiñequia naⁿñeeⁿ nnom juuna' jndati matseixmaⁿna' ñequio meiⁿquia sei'.

20 Ñ'oom na matsjoo cantyja 'naaⁿ' ñ'oomwaa', joo nn'aⁿ na tic'omna cantyja 'naaⁿ' Ty'ooots'om, quia cwila'cjweena quioo', nchii nnom jom cwiñequiana sei'ñeeⁿ, ndaaⁿ naⁿjndii cwiñequiana joona'.

21 Ee ticatsona' na nncwe'yo' na njom waso na cwiwe nn'aⁿ na cwila'jomndye ñequio Cristo, ndo' mati nncwe'yo' cwii na matseixmaⁿna' cantyja 'naaⁿ naⁿjndii. Meiⁿ ticatsona' na nlcwa'yo' na cwila'jomndyo' ñequio Cristo, ndo' mati nlcwa'yo' cwii na matseixmaⁿna' cantyja 'naaⁿ naⁿjndii.

22 ¿Aa ñe'cal'aaya na jaa jndaatyaaya nchiiti jom ndo' jom jeeⁿ xueeⁿ jaa?

Ts'aⁿ na matseyiu' cats'aaⁿ cha'tso ñequio na wi' ts'oom tyjenn'aⁿñê

23 Waa ñ'oom na cwilue nn'aⁿ: “Wanaaⁿ na nnts'aa ts'aⁿ meiⁿquia na ñ'e'cats'aa.” Ñ'oom na mayuu' jo', saa ticha'tso mateijndeina' jom. Mayuu' wanaaⁿ na nnts'aa ts'aⁿ ljo' na l'ue ts'oom, saa ticha'tso mateijndeina' na nncjaanajneiⁿ jo nnom Ty'o^ots'om.

24 Ee nchii ñequii'cheⁿ nc'oom' ts'om ts'aⁿ cantyja 'naaⁿ nqueⁿ. C'oom' ts'oom cantyja 'naaⁿ nt'omcheⁿ nc'iaaⁿ'aⁿ na cwila'yu', cwaaⁿ cwii na nnts'aaⁿ na nnteijndeina' jona na nnc'oonajdana cantyja na cwila'yu'na.

25 Wanaaⁿ na nntquie'yo' cha'tso nnom sei' na cwileil'ua. Meiⁿ tinta'xe'yo' ¿aa cwiwil'uee'ndye nn'aⁿ sei'ñeeⁿ xjeⁿ na cwila't'maaⁿ'ndyena cwii na cwe' nn'aⁿ cwil'a? Ee na nliu'yo' na ljo' nnda^a nnts'aana' na nntsei'ndaa'na' nquiu'yo'.

26 Ee naquii' Salmos matsona': “Tsjoomnancue ñequio 'naⁿ na matseixmaⁿ'na', cha'tso jo' 'naaⁿ nquii Ta Ty'o^ots'om.”

27 Cwii ts'aⁿ na nchii ts'aⁿ na matseyiu', xeⁿ maqueeⁿ'ñê cwii 'o waⁿ'aⁿ na nlcwa' ñ'eⁿ'ñê, wanaaⁿ na nncja' xeⁿ aa l'ue ts'om'. Cwa' meiⁿquia na mañequiaa tsaⁿ'ñeeⁿ. Saa cha tintsei'ndaa'na' ntyji' tincwaxe' aa ts'iaaⁿ' sei'ñeeⁿ na cwila't'maaⁿ'ndye nn'aⁿ cwii na cwe' nn'aⁿ l'a.

28 Saa xeⁿ nntso cwii ts'aⁿ njom': “Sei'waañe jnda tacatyeeⁿ'na' cwentaa' cwii na cwe' nn'aⁿ l'a”, jo' chii 'u je' tinlqui' juuna'. Ee meiiⁿ na xocatsei'ndaa'na' 'u xeⁿ na nlqui' juuna' saa nntsei'ndaa'na' ts'om ts'aⁿ na t'moⁿ njom' ee m'aaⁿ ts'oom na ticatsona' na nlqui' juuna'.

29 Matseinaⁿ cantyja 'naaⁿ juu na m'aaⁿ ts'om tsaⁿñeeⁿ na seicandii 'u, nchii cantyja 'naaⁿ na m'aaⁿ ts'om' nncu'.

Saaⁿ ndaaⁿ nnts'aana' na nncwax'ee cwiindyoy' 'o: “¿Chiuu na matsona' na ja catseiljondyoyoy' cwe' chiuu na m'aaⁿ ts'om cwiicheⁿ?”

30 Ee xeⁿ mañequiaya na quianl'uaa' Ty'ooots'om cantyja 'naaⁿ juu na macwa'a, quia jo' ¿yuu waa na nncju'naaⁿñena' na nntso ts'aⁿ na tixcwe mats'aa?”

31 Quia jo' na cwicwa'yo' ñequio na cwiwe'yo', ñequio meiⁿquia na cwil'a'yo', na cha'tso na cha'tso ñequii'cheⁿ cats'aana' na caluiit'maⁿñeti Ty'ooots'om cantyja 'naaⁿ jo'.

32 Til'a'yo' cwii nnom na cantyja 'naaⁿ jo' nntseilcwe'na' ts'aⁿ cantyja 'naaⁿ Ta Jesús, meiiⁿ na ts'aⁿ judío, meiiⁿ nn'aⁿ na nchii judíos, ndo' meiiⁿ joo nn'aⁿ na laxmaⁿ tmaaⁿ cwentaa' Ty'ooots'om.

33 Malaa'ti' waa na quits'aaya, ee matseijndo na cha'tso cantyja 'naⁿya nncjaawee' n'om nn'aⁿ. Nchii mal'ueendyoy' na joo na mats'aa na cwe' ja cateijndeina', saaⁿ cateijndeina' na majndyeti nn'aⁿ nlui'n'maaⁿndyena.

11

1 Jo' chii cw'aa'ndyoy' ja cantyja na mats'aaya ee ja jom'aaⁿya cha'xjeⁿ na tyoch'ee Cristo.

Luaa c'om yolcu quia cwitjomndye nn'aⁿ

2 Matseit'maaⁿndyoy' 'o na ñequii'cheⁿ cwijaañjoom' n'om'yo' ja ndo' cwilawe'yo' ñ'oom na jnda tquaaⁿya ndaa'yo'

3 Saaⁿ l'ue ts'ooy' na nla'noⁿyo' na tseixmaⁿ Cristo xqueⁿ cwii cwii tsaⁿs'a ndo' juu tsaⁿs'a tseixmaaⁿ

xqueⁿ scoom'm cha'xjeⁿ nquii Ty'o^ots'om tseix-maaⁿ xqueⁿ Cristo.

4 Jo' chii xeⁿ matiom tsa^{ns}'a 'naⁿ xqueⁿ quia matseineiⁿ nnoom oo quia mañequiaa ñ'oom'm, matseijnaa^{nl} tsa^{nl}'ñeeⁿ Cristo na cwiluiiñe xqueeⁿ.

5 Saꞗ xuii' cantyja 'naa^{nl} cwii yuscu, xeⁿ ticatꞗ' xqueⁿ quia na matseineiⁿ nnom Ty'o^ots'om oo quia na mañequiaa ñ'oom'm matseijnaa^{nl}'aⁿ saa^{nl}'aⁿ. Xeⁿ na ljo' mach'eeⁿ matseijomna' cantyja 'naa^{nl}'aⁿ cha'cwijom na jnda teinqui' casei xqueeⁿ.

6 Ndo' xeⁿ tical'ue ts'om yuscu na ñjom 'naⁿ xqueeⁿ, quia jo' cateinqui' xqueeⁿ. Saꞗ nc'e na jeeⁿ t'maⁿ matseijnaa^{nl}'na' jom na nnoⁿ soxqueeⁿ oo na nnteinqui' casei, quia jo' cañjom 'naⁿ xqueeⁿ.

7 Saꞗ tsa^{ns}'a je', ticaty'iomna' na ñjom 'naⁿ xqueeⁿ ee jluii'ñe Ty'o^ots'om ndo' tqueeⁿ na cantyja 'naa^{nl} juu na caluiit'maa^{nl}'ñê saꞗ wandyo^o' cantyja 'naa^{nl} tsa^{ns}scu ee tsa^{ns}'a matseit'maa^{nl}'ñena' cantyja 'naa^{nl}'aⁿ.

8 Ee quia na s'aa Ty'o^ots'om tsa^{ns}'a, nchii teil'uee'ñê tsa^{ns}scu na tuii na ljo', teil'uee'ñê tsa^{ns}'a na s'aaⁿ tsa^{ns}scu.

9 Meiⁿ nchii na s'aaⁿ tsa^{ns}'a cha cateijndeina' tsa^{ns}scu, s'aaⁿ tsa^{ns}scu cha cateijndeina' tsa^{ns}'a.

10 Manc'e na luaa' waa ndo' nc'e na cwiqueⁿ ángeles cwenta, jo' chii matsona' na cañjom 'naⁿ xqueⁿ yuscu cha m'moⁿ'na' na maju'ñecjeeⁿ nnom saa^{nl}'aⁿ.

11 Saꞗ cantyja 'naaⁿ jaa nn'aⁿ na cwila'yu', waa naya 'naa^{nl} tsa^{ns}'a nc'e tsa^{ns}scu, ndo' mati waa naya 'naa^{nl} tsa^{ns}scu nc'e tsa^{ns}'a.

12 Ee meiⁿ na mayuu' najndyee s'aa Ty'o^ots'om tsa^{ns}scu ee tsa^{ns}'a, saꞗ mati na mayuu' na m'aaⁿ

tsaⁿs'a ee tsaⁿscu, ndo' cha'tsoñ'eⁿ cwinaⁿ na m'aaⁿ Ty'o^ots'om.

13 C'oom'ya n'om'yo', ¿aa ndya' maty'iomyana' na ticañjom 'naⁿ xqueⁿ yuscu na nntseineiⁿ nnom Ty'o^ots'om?

14 Mati ma'moⁿyana' ndaaya na matseijnaaⁿ'na' tsaⁿs'a quia na teincoo sooxqueeⁿ,

15 saa matseit'maaⁿ'ñaⁿ'na' yuscu quia na cwiwiteincoo soxqueeⁿ, ee joona' tseixmaⁿ'na' cwii na matseicu'na' xqueeⁿ.

16 Saa xeⁿ m'aaⁿ ts'aⁿ na ticjaawee' ts'om ñ'oomwaa', macaⁿ'na' na catsei'nooⁿ'oⁿ na meiⁿ já meiⁿ nn'aⁿ cwii cwii tmaaⁿ' na macwji' Ty'o^ots'om cwentaaⁿ'aⁿ, tjaa'naⁿ cwicheⁿ nnom na cwil'aaya.

Tixcwe cwil'ana quia cwicwa'na Cena na tqeⁿ Jesucristo

17 Ñ'oom na matseiljeitya ndaa'yo' leicandaa nntsjoo na ya cwil'a'yo' ee mach'eena' quia cwitjomndyo' juu na cwil'a'yo' matseilcwe'na' 'o nchii na mateijndeina' 'o.

18 Ee najndyee jnda mandiiya quia cwitjomndyo' na nla't'maaⁿ'ndyo' Ty'o^ots'om, titjoom' m'aⁿ'yo', ndo' m'aaⁿ' ts'o^o na ljo'.

19 Ee maxjeⁿ nleitquioo'yuu na titjoom' m'aⁿ'yo' cha m'moⁿ'na' ñeeⁿ joo quii'ntaaⁿ'yo' m'aⁿ'na na xcwee' n'omna jo nnom Ty'o^ots'om.

20 Ndo' nc'e na titjoom' m'aⁿ'yo', jo' chii juu na cwicwa'yo', tiyuu' na tseixmaⁿ'na' nquii Cena na seijndaa'ñe Ta Jesús.

21 Ee quia cwicwa'yo' cwii cwiindyo' matseityuaa'ti na nlcwa' na jndyoñ'oom, meiⁿ tinquiaaⁿ na nntseijomñe cwiicheⁿ x'iaaⁿ'aⁿ na matseyu',

ndo' na ljo' nt'om jona ma'ndiina' na ñe'jndo'
ndo' nt'om jnda jndyee.

22 ¿Chiuu 'o? ¿Aa maxjeⁿ tjaa'naⁿ l'a'yo' yuu
na nleiñ'oom' na nlcwa'yo' ndo' na nncwe'yo'?
¿Aa maxjeⁿ ticuee' n'om'yo' nc'iaa'yo' na mati
cwiluiindyee tmaaⁿ! cwentaa' Ty'oots'om? Ee na
laa'ti' na cwil'a'yo' cwila'jnaⁿyo' joo nc'iaa'yo' na
wanty'iaa m'aⁿ. ¿Aa cwila'tiuu'yo' na jeeⁿ xcwe na
cwil'a'yo'? Leicandaa nntsjoo na ljo'.

*Cantyja na seijndaa'ñe Jesucristo na cuaa Cena
(Mt. 26:26-29; Mr. 14:22-25; Lc. 22:14-20)*

23 Ee nnom Ta Jesús to'ñõⁿya ñ'oom na t'mooⁿya
nda^a'yo', na mañejuu teijaaⁿ na seiquioo Judas jom
luee nn'aⁿ, to'ñoom tyoo'

24 ndo' jnda na tquiaaⁿ na quianl'uaa'
Ty'oots'om cantyja 'naaⁿna', tyjeeⁿ juuna'.
Tsoom: “Cato'ñoom'yo' tyoo'waa, cwa'yo' juuna'.
Seii'a cwiluiñena'. Mañequiaandyo na nnc'io
cha nncwañoom'na' 'o. Ñequii'cheⁿ na luaa'
nntsal'a'yo' cha cat'moⁿ'yo' na cwicañjom n'om'yo'
ja.”

25 Ndo' mati jnda na tcwa'na, to'ñoom waso,
tsoom: “Juu wasowaañe tseixmaⁿna' ñ'oomxco
na maquaⁿya ñequio niroom'a. Cwii cwii ndii' na
cwiwe'yo' juuna', cjaañjoom'tyeⁿ n'om'yo' ja.”

26 Jo' chii ticwii cwii ndii' na cwicwa'yo'
tyoo'waa ndo' na cwiwe'yo' na ñjom wasowaa,
cwitsatjei'yuu'ndyo' ndaa nn'aⁿ cantyja na tue' Ta
Jesús, hasta quia na ndyonnaaⁿaⁿ.

*Nchii cwe' nntseijomñeto ts'aⁿ quia cwicwa' nn'aⁿ
Cena*

27 Jo' chii meiⁿquia ts'aⁿ na macwaaⁿaⁿ tyoo'waa oo ma'om na ñjom wasowaa na tic'oom'ya ts'oom na jnda tseixmaⁿna', waa jnaaⁿaⁿ nacjoo' seii' ndo' nioom' Ta Jesús.

28 Nc'e na ljo', matsona' na cwii cwii ts'aⁿ cwitjoocheⁿ na nlcwaaⁿaⁿ tyoo'ñeeⁿ ndo' na nnc'om na ñjom waso'ñeeⁿ, c'oom'ya ts'oom na aa tjaa'naⁿ cwii nnom cantyja 'naaⁿaⁿ na matseicu'na' na nntseijomñê juu jo'.

29 Ee ts'aⁿ na cwe' macwa'to ndo' cwe' ma'uuto meiⁿ ticwjaa'ñê cwenta na la'xmaⁿna' seii' Ta Jesús, juu na macwaaⁿaⁿ ndo' ma'om, matseijn-daa'ñena' na waa jnaaⁿaⁿ cantyja 'naaⁿna'.

30 Macwe' jnaaⁿ na nmeiiⁿ cwil'a'yo', jo' chii majndyendyo' 'o wii'yo' ndo' tijnda'yo', hasta nt'om nc'iaa'yo' jnda tja.

31 Saa xeⁿ ñequi'cheⁿ na cwiquaaⁿyaaya cwenta aa cwil'aaya yuu na maty'iomyana', quia jo' tixocaⁿna' na nnts'aa Ta Jesús xjeⁿ jaa,

32 ee quia mañequiaa Ta Jesús jaa, luaa' mach'eeⁿ cha ntsaala'nooⁿa ndo' cha ticaⁿna' na nnt'ueeⁿ jaa cha'xjeⁿ nnt'ueeⁿ nn'aⁿ na la'xmaⁿ cantyja 'naaⁿ tsjoomnancue.

33 Jo' chii 'o nn'aⁿya na cwila'yu'yo', quia cwitjomndyo' na nlajomndyo' na nlcwa'yo' ndo' nncwe'yo' na cwicañjom n'om'yo' na tue' Ta Jesús, cwindo'yo' cwii ndo' cwii x'iaa'yo'.

34 Ndo' xeⁿ m'aaⁿ cwiindyo' 'o na ñe'jndo' cwa'jñeeⁿ na waa waⁿaⁿ cha' ticaⁿna' na nnt'uii Ty'ooots'om jom na matseijomñê quia cwilajomndyo' Cena. Nt'omcheⁿ ñ'oom na cwita'x'ee'yo' nooⁿ, cuajndyaa na m'aⁿyo' quia jo' nntseijn-daa'ndyo' jona'.

12

Jndye nnom ts'iaaⁿ mañequiaa Espíritu Santo

¹ 'O nn'a^{ny}a na cwila'y^u'yo', l'ue ts'o^o_n na caliu'yo' chiuu mach'ee Espíritu Santo na cwicandaaya cwii cwii nnom na l'ue ts'oom cha nnda^a nndya'ntjooⁿya nnom Ty'o^ots'om.

² 'O manquiu'jndaa'ndyo' cwitjoocheⁿ na cwila'y^u'yo', tyojaachuuna' 'o cha'cwijom na nchjaaⁿ'yo' na cwe' tyola't'maaⁿ'ndyo'to'yo' joo na cwe' nn'aⁿ ñel'a na xonda^a nla'neiⁿna'.

³ Jo' chii matsjoo ndaa'yo', ts'aⁿ na matseixmaⁿ Espíritu Santo, xocatso na cju'wi'na' Jesús. Ndo' mati xocatso ts'aⁿ na cwiluiiñe Jesús na matsa'ntjoom juu xeⁿ nchii m'aaⁿ tsaⁿ'ñeeⁿ nacje 'naaⁿ Espíritu Santo.

⁴ Nquii Espíritu Santo jndye nnom mañequiaaⁿ na cwicandaaya cha cwicanda^a cwil'aaya ts'iaaⁿ 'naaⁿ Ty'o^ots'om. Saa manquii^{ti}teeⁿ mañequiaaⁿ na cwilaxmaaⁿya joo jo'.

⁵ Jndye nnom niom na cwindya'ntjooⁿya nnom Ta Jesús, saa manquii^{ti} Espíritu matseijndaa'ñê cha'tso joona'.

⁶ Jndye nnom maniom na tjachuii' na cwiwil'ue cha cwicanda^a cwil'aaya ts'iaaⁿ 'naaⁿ Ty'o^ots'om. Saa nqueⁿ ñe'cwii cwiluiiñê na mateijneiⁿ cwii cwiindy^o na cwil'aaya joona'.

⁷ Nnom cwii cwiindy^o mañequiaa Ty'o^ots'om cwii nnom na ma'moⁿna' na laxmaaⁿya Espíritu cha nntei'jndeiina' nnc'iaaya na cwila'y^u'.

⁸ Ñ'eeⁿ nn'aⁿ na mañequiaaⁿ na cwiñe'quia ñ'oom' Ty'o^ots'om ñequio na jndo'ya n'om. Ndo' ñ'eeⁿ nt'omndye joona manquii^{ti} Espíritu

mañequiaaⁿ na nndāa nla'neiⁿna ñ'oom cha nla'noⁿl nn'aⁿ chiuu l'ue ts'om Ty'ooots'om na nnc'omna.

⁹ Ñ'eeⁿndye jooa na cantyja 'naaⁿl Espíritu Santo la'xmaⁿna na cwila'yuya n'omna, ndo' nt'omndye jooa cwicandaana na nla'n'maⁿna nn'aⁿwii.

¹⁰ Nt'omndye jooa cwicandaana na nndāa nl'ana ts'iaaⁿ t'maⁿ na ticaluiina' cantyja 'naaⁿl najndeii nquii ts'aⁿ. Ndo' nt'om jooa cwicandaana na jeeⁿ ya cwiñequiana ñ'oom na ma'moⁿ Ty'ooots'om ndāana. Nt'om jooa cantyja 'naaⁿl Espíritu mañequiaa Ty'ooots'om na nndāa ntjeii'na cwenta quia tiyuu' cwii ñ'oom na cwiñequia nn'aⁿ ndo' quia na mayuu' juuna'. Nt'om cwicandāa cwila'neiⁿ nt'omcheⁿ nnom ñ'oom ndo' wandyo^ol nn'aⁿ na mañequiaaⁿ na cwicandāa cwila'teincoo'na chiuu ma'moⁿ ñ'oom'ñeeⁿ.

¹¹ Espíritu Santo ñecwii cwiluiiñê. Manquiityeeⁿ mañequiaaⁿ cwii cwii nnom ts'iaaⁿmeiⁿl ndāa nn'aⁿ cantyjati na l'ue ts'oom.

Luaa matseijomna' na tjat'uii'ndyo ñ'eⁿ Cristo

¹² Matseijomna' cantyja 'naaⁿl Cristo cha'cwijom ts'aⁿ na majndye tjat'uii' ndo' meiiⁿ jndyena' sāa ñecwii ts'aⁿ tseixmaⁿ.

¹³ Ee cha'tsondyo meiiⁿ nn'aⁿ judíos jaa, meiiⁿ cwiluiindyo nn'aⁿ na cwila'neiⁿ ñ'oom griego, oo meiiⁿ nn'aⁿ na cwindya'ntjo^ontyāaⁿya ndāa patrom 'naaⁿya, oo meiiⁿ nn'aⁿ na m'aaⁿya xjeⁿ 'naaⁿ ncjo^o, cwii na jndāa teits'oomndyo cwiluiindyo ñecwii seii' Cristo nc'e ñecwii cwiluiiñe Espíritu, ndo' cha'tsondyo jndāa to'ñooⁿya jom.

14 Ee seii' ts'aⁿ nchii ñe'cwii nnom tseixmaⁿ, jndye nnom tjacañjoom'ñê.

15 Xeⁿ cwe' nntso x'ee ts'aⁿ: “Nc'e na tit-seixmaⁿya ts'o ts'aⁿ jo' chii ticatseixmaⁿya cantyja 'naaⁿl seii' ts'aⁿ.”

16 Ndo' mati xeⁿ nntso tsua'qui ts'aⁿ: “Nc'e na nchii cwiluiindyö ts'omnnom ts'aⁿ, jo' chii ticat'uiindyö cantyja 'naaⁿl seii' ts'aⁿ.” Meiiⁿ na luaa' nntso tsua'qui ts'aⁿ, saa tiyuu' na ljo'. Maxjeⁿ t'uii'na' ts'aⁿ.

17 Ee xeⁿ cha'waañe ts'aⁿ ñequii'cheⁿ n'omnnoom cwiluiiñê, ¿chiiu nnts'aayom na ñeeⁿ? Ndo' mati xeⁿ cha'waañe ts'aⁿ ñequii'cheⁿ lua'queeⁿ, ¿chiiu nnts'aayom na nncwjaaⁿ jndye?

18 Saa Ty'oöts'om jnda seinchoom'm ticwii cwii nnom nmeiⁿl naquii' seii' ts'aⁿ cha'xjeⁿ na l'ue ts'oom.

19 Xeⁿ cha'waañe ts'aⁿ ñe'cwii nnom cwiluiiñê, meiⁿchjoo ticandaa'ñe seii' ts'aⁿ.

20 Saa meiiⁿ na jndye nnom na tqueⁿ Ty'oöts'om na tjacat'uiiñe ts'aⁿ, maxjeⁿ ñ'eⁿ joo jo' candaä' cwiluiiñe seii' ts'aⁿ.

21 Ts'omnnom ts'aⁿ tijoom nndaä nntsona' nnom ts'o ts'aⁿ: “Ja tjaa yuu l'uee'ndyö 'u.” Meiⁿ xqueⁿ ts'aⁿ tijoom nndaä nntsona' ndaaⁿ nc'ee ts'aⁿ: “Ja tjaa yuu l'uee'ndyö 'o.”

22 Saa jeeⁿ wandyo' waa cantyja 'naaⁿl ñ'oomwaa'. Ee mañ'eeⁿl yuu na ñjoom'ñe ts'aⁿ na cwitjeii'a cwenta na ndoo' nquiuyua na meiⁿ ticaⁿna' joona'. Saa jeeⁿ l'uena'.

23 Ndo' cwii cwii nnom seii'a na nquiuyua na tit'maⁿ la'xmaⁿna', cwil'aatyaa cwenta joona', ndo' cwii cwii nnom seii'a na tia nquiuyua na

nleitquioo'na' ndaa nn'aⁿ, cwita'nty'iuu'ndyotyaa joona'

24 saa joo na tjacañjoom'ndyo yuu na titia nquiuuya na nnty'iaa nn'aⁿ joona' meiⁿ ticaⁿna' na nla'cuu'ndyo. Jo' chii cwiwitquioo' na Ty'ooots'om seicañjoom'm cha'waandyoñ'aaⁿ, ndo' joo na cwila'cuu'ndyo, joona' t'maⁿti mañequiaaⁿ na cwila'xmaⁿna'.

25 Luaa' waa na s'aaⁿ na tjacañjoom'ñe ts'aⁿ cha ticatseitiuu ts'aⁿ na ya nnc'oomñe meiiⁿ ticañ'eⁿ cwii joona'. Ee tqueeⁿ nmeiⁿ' cha catei'jndeiindyena' cwii cwii nnom seii'a na tjachuii'na'.

26 Manc'e jo' chii quia wi' mach'eena' cwii joo na tjacañjoom'ñe ts'aⁿ, wi' mach'eena' cha'waañê. Ndo' quia ya cwii joona', cha'waañê yaaⁿ'aⁿ.

27 'O cwiluiindyoy' seii' Cristo, ee cwii cwiindyoy' matseixmaⁿ cwii cwii na tjacañjoom'ñê na matseicandaq'ñena' seii'eⁿ.

28 Maluaa' matseijomna' na jnda sejndaa'ñe Ty'ooots'om quii'ntaaⁿ nn'aⁿ na cwiluiindyena seii' Cristo. Najndyee tqueeⁿ apóstoles, nda we nn'aⁿ na cwit'mooⁿ ñ'oom na jnda t'mooⁿ ndaana, jnda ndyee nn'aⁿ na cwit'mooⁿ ñ'oom naya 'naaⁿ'aⁿ, mati nn'aⁿ na nndaq nla' 'naaⁿ t'maⁿ na xocandaq nluina' cwe' najndei nquii ts'aⁿ, nda jo' nn'aⁿ na nndaq nla'n'maⁿna nn'aⁿwii, nda jo' nquiee na cwila'jndaa'ndye ñ'oom, nda jo' joo nn'aⁿ na mats'ia jo' nndaq nla'neiⁿna nt'omcheⁿ nnom ñ'oom na tjachuii'.

29 Ticha'tsondye cwiluiindyey apóstoles, meiⁿ nchii cha'tsondye cwiluiindyey profetas. Ticha'tsondye laxmaⁿ nn'aⁿ na cwit'mooⁿ chiuu

ma'moⁿ ñ'oom'm. Meiⁿ nchii cha'tsondye cwil'a ts'iaaⁿ t'maⁿ na tixocanda^a nluuina' cwe' cantyja 'naaⁿ! najndeii na matseixmaⁿ nguii ts'aⁿ.

³⁰ Meiⁿ ticha'tsondye nnda^a nla'n'maⁿ nn'aⁿwii. Mati ticha'tsondye nnda^a nla'neiⁿ ñ'oom na tjachuii' ñequio ñ'oom na macwixjeⁿ cwila'neiⁿ, meiⁿ nchii cha'tsondye nnda^a nla'teincoo' ljo' cwit'mooⁿ ñ'oom'ñeeⁿ.

³¹ Jo' chii jo nnom Ty'ooots'om queⁿndyo' na nla'xmaⁿ'yo' nt'om ts'iaaⁿmeiⁿ! na t'maⁿticheⁿ la'xmaⁿna'. Ndo' je' ñeca'mooⁿya ndaa'yo' cwii nnom na mañequiaaⁿ quui' n'ooⁿya na cwiluiit'maⁿñeti juuna', nchiiti cha'tso nmeiⁿ!.

13

C'ooⁿya na wi' n'ooⁿ nc'iaaya

¹ Xeⁿ nnda^a nntseinaⁿya nt'omcheⁿ nnom ñ'oom na cwila'neiⁿ nn'aⁿ, meiiⁿ ñ'oom na cwila'neiⁿ ángeles, saa tic'ooⁿ na wi' ts'ooⁿya nn'aⁿ, matseijomna' cantyja 'naⁿya cha'cwijom na c'uaa tsom' na cwitjo' oo cha'cwijom ncjo cañjeeⁿ na cantseiiⁿ jndyeena'.

² Ndo' xeⁿ nnda^a nntseinaⁿ ñ'oom na ma'moⁿ Ty'ooots'om nooⁿ ndo' matsei'noⁿa cha'tso na wanty'iuu' na matseijndaa'ñê na mandiñ'eeⁿ cha'tso na matsei'noⁿa, hasta nnda^a nquindyoo ntsjo nc'e na matseyu'ya ts'ooⁿ, saa xeⁿ tic'ooⁿya nawi' ts'ooⁿya nn'aⁿ, meiⁿchjoo tjayuu l'uendyo.

³ Ndo' xeⁿ cha'tso na maleiñ'oⁿ mañequia ndaa ndyeñeeⁿ! ndo' meiiⁿ mañequiandyo na nla'cuee' nn'aⁿ ja ñequio chom, saa xeⁿ tic'ooⁿ na wi' ts'ooⁿ nn'aⁿ, tjaa yuu l'uendyo.

4 Juu ts'aⁿ na jnda ntyjii nn'aⁿ, ticatiom ts'om ñ'eⁿ naⁿ ñeeⁿ, mal'ueeⁿ chiuu nnteijneiⁿ nn'aⁿ, titaa' ts'oom, titseis'añê titseiscuñê cantyja 'naaⁿaⁿ,

5 tintjeiⁿñe ñ'eⁿ nc'iaa', nchii ñequiicheⁿ na m'aaⁿ ts'om cantyja 'naaⁿ nquii, nchii ntyja ntyja matseiw'ii.

6 Juu na cwil'a nn'aⁿ na cwila'tjoondyena, tineiiⁿeⁿ, saa quia na majo'ndyo cwil'a nn'aⁿ, m'aaⁿ na neiiⁿeⁿ.

7 Ts'aⁿ na jnda ntyjii x'iaa' matseiquii ts'oom cha'tso na matjoom, ñequio na macantyjaa' ts'oom ndo' ñequio na ticatiom ts'oom cantyja 'naaⁿ joona'.

8 Juu na m'aaⁿ ts'aⁿ na wi' ts'om x'iaa' tijoom cantycwiina'. Nncue'ntyjo xjeⁿ na tixocala'neiⁿ nn'aⁿ ñ'oom cantyja 'naaⁿ 'naⁿ na quia nluui, meiⁿ xocala'neiⁿna ñ'oom na tjachuii', meiⁿ xocaⁿna' ñ'oom na jndo' n'om nn'aⁿ.

9 Ee ticandaⁿñ'eⁿ cwila'n^{oo}ñ'â ndo' mati quia nla'n^{oo}ñ'a^{ay}â ñ'oom'm na cwiñequiaayâ,

10 saa quia nncwjee' juu na candaⁿñ'eⁿ quia jo' n'ndiina' nmeiⁿ na ticandaⁿ la'xmaⁿ.

11 Quia ñet'^{oo} na tyochjoo ja, tyotseinaⁿya, tyotseitiuuya ndo' ñet'oom' ts'^{oo} cha'xjeⁿ cwii yucachjoo, saa quia na tue'ntyjo chuu'a 'ndi na ñet'^{oo}ya cha'na joona.

12 Ndo' maluaa' waa na matseijomna' cantyja 'naaⁿyâ, je' juu na cwila'n^{oo}ñ'â cantyja 'naaⁿ Ty'^{oots}'om, matseijomna' juuna' cha'cwijom na manty'iaa' ts'aⁿ nnon tsjo'jñom na jnda teitsa nnomna'. Saa juu na candaⁿñ'eⁿ quia na jnda tyjee'cañoom juuna' quia jo' candaⁿñ'eⁿ nntsei'n^ona. Je' cwe' xeⁿntaⁿ xeⁿntaⁿ matsei'n^ona

saa quia ljo'cheⁿ nntsei'noⁿl'tcuundyo cha'xjeⁿ nquii Ty'o^oots'om candaa'ñ'eⁿ mawajnaⁿaⁿ ja.

13 Niom ndyee nnom na waa ndo' waana': na matseyu'ya ts'om ts'aⁿ ñ'eⁿ Ty'o^oots'om, na macantyyaa' ts'om ts'aⁿ ñ'eⁿ jom ndo' na m'aaⁿ na jeeⁿ candya' ts'oom jaa, saa t'maⁿti naquii' ntaaⁿ ndyee nmeiiⁿl, juu na m'aaⁿ na candya' ts'oom nn'aⁿ.

14

Nn'aⁿ na nndaq nla'neiⁿ ñ'oom na tjachuii'

1 Jo' chii cjoo' n'om'yo' na c'om'yo' na jnda nquiu'yo' nn'aⁿ ndo' mati cantyyaa' n'om'yo' na nquii Espíritu Santo ñnequiaaⁿ na nnda'yo' na nndaq n'l'a'yo' ts'iaaⁿ 'naaⁿl Ty'o^oots'om, majndei- iticheⁿ na nndaq ñnequia'yo' ñ'oom'm.

2 Ee ts'aⁿ na matseineiⁿ meiⁿnquia nt'omcheⁿ nnom ñ'oom cwe' tomti nnom Ty'o^oots'om matseineiⁿ, nchii ndaq nn'aⁿ nc'e tjaa 'ñeeⁿ juu na matsei'noⁿl ñ'oom'ñeeⁿ. Cantyya 'naaⁿl Espíritu Santo matseineiⁿ ñ'oom na wanty'iuu' m'aaⁿna', saa tjaa 'ñeeⁿ juu nntsei'noⁿl ñ'oom'ñeeⁿ.

3 Saa ts'aⁿ na mañequiaa ñ'oom' Ty'o^oots'om, 'oonajnda nc'iaaⁿaⁿ na cwilayu' nc'e ts'iaaⁿ na mach'eeⁿ ndo' cantyya 'naaⁿl na ljo' cwiñ'omt'maaⁿlndyena n'omna, ñ'oom'ñeeⁿ matseinjoom'na' jona.

4 Juu ts'aⁿ na nndaq nntseineiⁿ cwiicheⁿ nnom ñ'oom na tjachuii', jaawijndei cheⁿnqueⁿ cantyya 'naaⁿl Espíritu Santo saa juu ts'aⁿ na matseineiⁿ ñ'oom na ma'moⁿ nquii Ty'o^oots'om nnom, ts'iaaⁿlñeeⁿ mach'eena' na 'oonajnda nn'aⁿ tmaaⁿl cwentaaⁿaⁿ.

5 Ya ntyjii xeⁿ cha'tsondyo' ya nlaneiⁿ'yo' nt'omcheⁿ nnom ñ'oom na tjachuii' sā neiⁿtyaya na nñe'quia'yo' ñ'oom na ma'moⁿ Ty'o^oots'om ndaa'yo' ee juuna' xcweti, nchiiti juu na matseineiⁿ ts'aⁿ meiⁿnquia nnom ñ'oom na tjachuii'. Macanda xeⁿ na matseiteincoo' ts'aⁿ ñ'oom'ñeeⁿ cha joo nn'aⁿ tmaaⁿ na macwji' Ty'o^oots'om cwentaaⁿ'aⁿ nnc'oonajndaⁿ na nc'e Espíritu Santo.

6 Jo' chii 'o nn'aⁿya na cwilayu'yo', meiⁿchjoo xocateijndeina' 'o na nncjocandoo'a 'o xeⁿ na matseinaⁿ cwe' ñ'oom na tjachuii', sā xeⁿ na nntseinaⁿya ñ'oom na jnda t'moⁿ Ty'o^oots'om no^o'ya, oo cwii ñ'oom na matsei'ñoⁿ'a cantyja 'naaⁿ ñ'oom'm, oo cwii ñ'oom cantyja 'naaⁿ 'naaⁿ na quia nluii, oo cwii ñ'oom na m'mooⁿ ndaa'yo', nmeiⁿ mayuu' nnteijndeina' 'o.

7 'Naⁿ na cwitjo' cha'na tsmaaⁿ ñequio arpa, xeⁿ nchii tjachuii' jndyeena', xotsei'ñoⁿ' ts'aⁿ cwaaⁿ cwii joona' macjo' ts'aⁿ.

8 Ndo' sondaro na matiom jndye ntu, xeⁿ tijndaa' c'uaa jndye mach'eeⁿ, tixocala'c'eendye nc'iaaⁿ'aⁿ na nl'ana ndia'.

9 Maluaa' matseijomna' cantyja 'naⁿ'yo', xeⁿ ñ'oom na cwilaneiⁿ'yo' tijndaa' joona' na cwindye nn'aⁿ, ¿chiuuya na nla'noⁿ'na ljo' na cwindu'yo? Nntseijomna' cantyja 'naⁿ'yo' cha'cwijom ts'aⁿ cwe' matseixuaato quii' jndye.

10 Nnts'aacheⁿ'na' jndye nnom na tjachuii' na cwila'neiⁿ nn'aⁿ tsjoomnancue, ndo' cwii cwii joona' majndaa' ljo' ma'moⁿ'na'.

11 Sā xeⁿ titsei'noⁿ'a ljo' ma'moⁿ ñ'oom na matseineiⁿ ts'aⁿ cwii ñ'oom'ñeeⁿ, nntseijomna' ja

cha'cwijom ts'aⁿ cwiicheⁿ ndyuaa ndo' maljo'yu ntyjeeⁿ ñ'eⁿ ja.

¹² Jo' chii nc'e na cwila'queeⁿ n'om'yo' na ññequiaa Espíritu Santo na nlaxmaⁿ'yo' ts'iaaⁿ 'naaⁿ'aⁿ, cjoo'ya n'om'yo' na jndye nnom ts'iaaⁿ 'naaⁿ'aⁿ na nla'xmaⁿ'yo' na ññequiaana' na nnc'oonajdann'aⁿ tmaaⁿ' cwentaa' Ty'o^oots'om.

¹³ Jo' chii ts'aⁿ na matseineiⁿ ñ'oom na tjachuii', caⁿ nnom Ty'o^oots'om na ndaā nntseiteincoom'm juuna'.

¹⁴ Ee xeⁿ matseināⁿ nnom Ty'o^oots'om ñequio cwii nnom ñ'oom na tjachuii' na nchii ñ'oomya, na mayuu' matseināⁿya ñequio espíritu 'naⁿya saā tic'oom' ts'o^o cantyja na mats'aa.

¹⁵ Quia jo' ¿chiiu macaⁿ'na' na cats'aa? Matsona' na catseināⁿya cantyja 'naaⁿ' espíritu 'naⁿya ndo' mati ñequio na nla'noⁿ'ya nn'aⁿ ljo' na matseināⁿ. Macaⁿ'na' na cataya ñequio espíritu 'naⁿya ndo' mati ñequio na cwila'noⁿ'ya nn'aⁿ ljo' na mataya.

¹⁶ Xeⁿ quia na matseineiⁿ ñ'oom na tjachuii' matseit'maaⁿ'ndyu' Ty'o^oots'om, 'u mañequiaa' na quianl'uaaⁿ'aⁿ ñequio na xcwee'ya ts'om', saā ts'aⁿ na ticatsei'noⁿ' ñ'oom na matseineiⁿ, ¿chiiu nnts'aayuu na nntso Amén? ee cha ntyjii ñ'oom na matseineiⁿ.

¹⁷ Nnts'aacheⁿ'na' na 'u xcwe mañequiaa' na quianl'uaa' Ty'o^oots'om saā ticateijndeina' tsaⁿ'ñeeⁿ na nncjaanajneiⁿ na matseyoom'm.

¹⁸ Mañequia na quianl'uaa' Ty'o^oots'om na ma-jndyeti ñ'oom na cwichuii' matseināⁿya, nchiiti 'o,

¹⁹ saā quia na m'aaⁿya quii'ntaaⁿ nn'aⁿ tmaaⁿ' na macwji Ty'o^oots'om cwentaaⁿ'aⁿ, yati ntyjii na cwe' ñe'om ñ'oom nntseināⁿ na ya nla'noⁿ' nn'aⁿ, nchiiti

quii meiiⁿ ñ'oom ñequio ñ'oom na tjachuii'.

20 'O nn'a^{nya} na cwilayu'yo', cantyja 'naaⁿ natia, cala'xmaⁿ'yo' cha'na yonch'u saꞗ cantyja 'naaⁿ na m'aaⁿ n'om'yo' ñ'oomwaa', cala'xmaⁿ'yo' cha'na nn'aⁿ na jnda tquiee n'om.

21 Ee naquii' ñ'oom' Ty'oꞗts'om na teiljeii matsona': “Ñequio ñ'oom na cwichuii' na cwila'neiⁿ nn'aⁿ nt'omcheⁿ ndyuaa nntseina^{nya} ndaꞗ nn'aⁿ tyuaawaa saꞗ meiiⁿ na luaa' tixocala'ñ'oom'ndyena chiuu matsjoꞗ”, luaa' matso nqueⁿ na tseixmaaⁿ na catsa'ntjoom.

22 Quia na nndaꞗ nntseineiⁿ ts'aⁿ ñ'oom na tjachuii' ñequio ñ'oom na maxjeⁿ matseineiⁿ, juu jo' tseixmaⁿna' 'naaⁿ jo ndaꞗ nn'aⁿ na tyoola'yu'. Saꞗ juu na nndaꞗ nntseineiⁿ ts'aⁿ ñ'oom na jnda t'moⁿ Ty'oꞗts'om nnoom tseixmaⁿna' 'naaⁿ jo ndaꞗ nn'aⁿ na cwila'yu', nchii cwentaa nn'aⁿ na tyoola'yu'.

23 Ee quia cwitjomndyo' na laxmaⁿ'yo' tmaaⁿ na macwji' Ty'oꞗts'om cwentaaⁿaⁿ, ndo' xeⁿ cha'tsondyo' cwilaneiⁿ'yo' ñ'oom na tjachuii', ndo' jo' jo' nncjaquiee' cwii ts'aⁿ na quia mandiicheⁿ ñ'oom' Ty'oꞗts'om oo ts'aⁿ na tyootseyiu' jom, nntseitiuutoom na 'o jnda teintjeiⁿndyo'.

24 Saꞗ xeⁿ cha'tsondyo' cwilaneiⁿ'yo' ñ'oom na ma'moⁿ Ty'oꞗts'om ndaꞗ'yo' ndo' xeⁿ juu xjeⁿñeeⁿ nncjaquiee' cwii ts'aⁿ na tyootseyiu' oo ts'aⁿ na quia mandiicheⁿ ñ'oom' Ty'oꞗts'om, nlco'tiana' ntyjeeⁿ na waa jnaaⁿaⁿ ndo' nnc'oom' ts'oom cantyja 'naaⁿaⁿ nc'e ñ'oom na cwilaneiⁿ'yo'.

25 Ndo' na ljo' nleitquioo' cha'tso na wanty'iuu' na m'aaⁿ ts'oom. Quia jo' lcoom'm xtyeeⁿ na

nntseit'maaⁿñê Ty'o^ots'om ndo' nntsei'no^oⁿoⁿ na mayuu'cheⁿ m'aaⁿ Ty'o^ots'om quii'ntaaⁿyo'.

Cha'tso canda^aya caluii xjeⁿ na cwitjomndyena

²⁶ Quia jo' 'o nn'aⁿya na cwila'yu'yo' quia cwitjomndyo' na cwila't'maaⁿndyo' Ty'o^ots'om, nt'omndyo' 'o cata'yo' salmos, nt'omndyo' 'o cat'moⁿyo' ñ'oom na jnda t'moⁿ Ty'o^ots'om ndaa'yo', nt'omndyo' 'o ndaa nlaneiⁿyo' nt'omcheⁿ nnom ñ'oom na tjachuii' ñequio ñ'oom na maxjeⁿ cwilaneiⁿyo', ndo' nt'omcheⁿ nc'iaa'yo' cala'teincoo'na chiuu cwit'mooⁿ n'oom'ñeeⁿ. Saa cha'tso na cwil'a'yo' caluiina' na catejndeina' na nnc'oonajnda nn'aⁿ na cwila'yu'.

²⁷ Quia na m'aⁿ nn'aⁿ na cwila'neiⁿ ñ'oom na tjachuii', ñequi'cheⁿ ñe'we oo ndyeendyena na nla'neiⁿna. Cwii ndo' cwiindyena nla'neiⁿna ndo' mati ñ'eⁿ ts'aⁿ na nntseiteincoo' ñ'oom'ñeeⁿ.

²⁸ Ndo' xeⁿ quii'ntaaⁿ nn'aⁿ tmaaⁿ cwentaa' Ty'o^ots'om tjaa'na' ts'aⁿ na nnda^a ntseiteincoo' ñ'oom'ñeeⁿ, yati na tintseineiⁿ ñ'oom na tjachuii' ndaa nn'aⁿ na cwila'yu'. Cwe' naquii' ts'om naquii catseineiⁿ ñequio Ty'o^ots'om.

²⁹ Ndo' cantyja 'naaⁿ nn'aⁿ na cwila'neiⁿ ñ'oom na ma'moⁿ Ty'o^ots'om naquii' n'om, cala'neiⁿ meiiⁿ we oo ndyeendye joona ndo' nt'om nc'iaana queⁿ cwenta aa xcwe n'oom'ñeeⁿ.

³⁰ Saa xeⁿ waa na m'moⁿ Ty'o^ots'om nnom cwi-icheⁿ ts'aⁿ na wacatyeeⁿ jo' jo', quia jo' juu ts'aⁿ na mañequiaa ñ'oom quiaaⁿ na wanaaⁿ na nntseineiⁿ tsaⁿ'ñeeⁿ.

³¹ Ndo' na luaa' cwii ndo' cwii ts'aⁿ nnda^a nntseineiⁿ ñ'oom na ma'moⁿ Ty'o^ots'om naquii'

ts'om cha nnc'ooliu nn'aⁿ na cwila'yu' ndo' nnc'oola'noⁿtinā.

³² Juu ts'iaaⁿ na mañequiaa ts'aⁿ ñ'oom na ma'moⁿ Ty'o^ots'om naquii' ts'oom, matsona' na joo nn'aⁿ na cwiñequiaa ñ'oom c'omna xjeⁿ 'naaⁿ x'iaana na tjom cwiñequiana ñ'oom.

³³ Ee Ty'o^ots'om nchii cañ'eeⁿ cwiluiñê, jom cwiluiñê na tjoom' m'aⁿ nn'aⁿ ñequio nc'iaana.

Cha'xjeⁿ cwiwijndaa' quii'ntaaⁿ cha'tso ntmaaⁿ nn'aⁿ na macwjeeⁿeⁿ cwentaaⁿaⁿ,

³⁴ quia na cwitjomndye nn'aⁿ na nla't'maaⁿndyena Ty'o^ots'om, matsona' na joo yolcu ñema'cheeⁿndyo c'omna ee ticwanaaⁿ na nla'neiⁿna xjeⁿñeeⁿ. Macaⁿna' na c'omna nacje 'naaⁿ s'aana cha'xjeⁿ na matsaⁿntjom ljeii 'naaⁿ Ty'o^ots'om.

³⁵ Xeⁿ waa ñ'oom na ñe'caliuna, quiejndy-eena w'aana, quia jo' cata'x'ena ñ'oom'ñeeⁿ ndaa s'aana. Ee tixcwe na mawax'lee yuscu cwii ñ'oom quia cwitjomndye nn'aⁿ na cwila't'maaⁿndyena Ty'o^ots'om.

³⁶ C'oom' n'om'yo' na nchii quii'ntaaⁿ 'o jnaⁿjndyee ñ'oom' Ty'o^ots'om, meiⁿ nchii macandā ñencjo'yo' na jndā to'ñoom'yo' juuna'.

³⁷ Xeⁿ m'aaⁿ 'ñeeⁿ cwiindyoy' 'o na matseitiuu na cwiluiñe ts'aⁿ na mañequiaa ñ'oom' Ty'o^ots'om oo na waa cwii nnom ts'iaaⁿ na mañequiaa Espiritu na matseixmaⁿ, catsei'no^ooⁿ na ñ'oomwaa' na matseiljeiya, ñ'oom na matsaⁿntjom Ta Jesús juuna'.

³⁸ Saa xeⁿ titseiñ'oom'ñe ñ'oomwaa', tila'ñ'oom'ndyoy' jom.

³⁹ Jo' chii 'o nn'aⁿya na cwila'yu', cala'queeⁿ n'om'yo' na nndaā ñnequia'yo' ñ'oom' Ty'o^ots'om.

Meiⁿ ticala'cu'yo' nn'aⁿ na cwila'neiⁿ nt'omcheⁿ nnom ñ'oom na tjachuii'.

⁴⁰ Saꞗ cha'tso cantyja na cwitjomndyo', calui-ina' cha'xjeⁿ na matsona' ndo' ñequio na xcweya m'aaⁿna'.

15

Cristo jnda mawando'xcoom

¹ Ndo' je' je' 'o nn'aⁿya na cwila'yu'yo', matseilcwii'ndyõnnda'a joo ñ'oom naya na jnda ñet'mõõⁿya ndaa'yo'. Ñ'oom'ñeeⁿ jla'yu'yo' ndo' hasta xjeⁿ je'cheⁿ ndicwaⁿ tyeⁿ m'aⁿ'yo' cantyja 'naaⁿl juuna'.

² Nc'e juu ñ'oom naya'ñeeⁿ cwilui'n'maaⁿndye añmaaⁿ'yo' xeⁿ cwiljoo'ndyo'tyeⁿ'yo' cantyja 'naaⁿl ñ'oom na tyoñequiaya ndaa'yo', meiⁿ ticwe' ts'iaaⁿlndyo na jla'yu'yo'.

³ Tyo'mõõⁿ ndaa'yo' ñ'oom na to'ñõⁿya na t'maⁿti tseixmaⁿna', na tue' Cristo cwentaa' jnaaⁿya cha'xjeⁿ cwit'mõõⁿ ñ'oom' Ty'oõts'om na teiljeii,

⁴ ndo' na ty'iuu nn'aⁿ jom, saꞗ xuee na jnda ndyee tquiaa Ty'oõts'om na tando'xcoom cha'xjeⁿ na matso ñ'oom'm na teiljeii,

⁵ ndo' teitquioo'ñê nnom Pedro nda jo' ndaa cha'tso apóstoles.

⁶ Jnda jo', teinoom' 'om siaⁿto nn'aⁿ na cwila'yu', ñejom teitquioo'ñê ndaana na majndyendyeti naⁿñeeⁿ ndicwaⁿ cwita'ndo'na je' saꞗ nt'om jnda tja.

⁷ Jnda jo' teitquioo'ñê nnom Jacobo ndo' jnda jo' teitquioo'ñê ndaa cha'tsondye apóstoles.

8 Ndo' na macanda mati teitquioo'ñê nooⁿ ja. Matseijomna' cantyja 'naⁿya cha'cwijom cwii yu'ndaa na jnda teinom'na' xjeⁿ na nluiiñe.

9 Ee cha'tso nt'omcheⁿ apóstoles, t'maⁿti cwilui-indyena nchiiti ja, meiⁿ ticatseixmaⁿya na nntse-icajndyu'na' ja cwii apóstol ee tyoco'wi'a tmaaⁿ nn'aⁿ na macwji' Ty'o^ots'om cwentaaⁿaⁿ.

10 Saa na matseixmaⁿya apóstol je', matseixmaⁿya jo' nc'e naya na matseixmaⁿ Ty'o^ots'om, meiⁿ ticwe' ts'iaaⁿndyo juuna', ee seijndotyaya naquii' ts'iaaⁿ 'naaⁿaⁿ, nchiiti nt'omcheⁿ apóstoles, meiⁿ nchii cwiluii ts'iaaⁿñeeⁿ cwe' cantyja 'naⁿ nnc^o, saa cwiluii juuna' nc'e naya'ñeeⁿ na matseixmaaⁿ.

11 Quia jo' tints'aa aa ja oo aa joona. Ñ'oomwa' ñ'oom na cwiñequiayâ, ndo' juuna' ñ'oom na jnda jla'yu'yo'.

Nnta'ndo'xco nn'aⁿ na jnda tja

12 Cwiñequiaayâ ñ'oom na tando'xcoom jnda na tueeⁿeⁿ, quia jo' ¿chiiu na ñ'eeⁿndyo' 'o na cwindu'yo' na taxocata'ndo'xco nn'aⁿ na jnda tja?

13 Ee xeⁿ tiyuu' na nnta'ndo'xco nn'aⁿ na jnda tja, quia jo' meiⁿ nquii Cristo tîcwando'xcoom.

14 Ee xeⁿ tîcwando'xcoom quia jo' juu ñ'oom na cwiñequiaayâ cwe' ts'iaaⁿndyo juuna' ndo' mati juu na cwila'yu'ya n'om'yo' cwe' ts'iaaⁿndyo.

15 Ee xeⁿ na mayuu' na ljo', quia jo' matsei-jndaa'ñena' cantyja 'naaⁿyâ na cwil'aayâ na cantuñe Ty'o^ots'om ee jnda macwil'uuyâ na tquiaaⁿ na tando'xco Cristo saa xeⁿ xocata'ndo'xco nn'aⁿ na jnda tja meiⁿ xocats'aana' na mayuu' na tando'xcoom.

16 Ee joo nn'aⁿ na jnda tja, xeⁿ xocata'ndo'xcona, quia jo' meiⁿ nquii Cristo tîcwando'xcoom,

17 ndo' xeⁿ tîcwando'xcoom cwe' ts'iaaⁿndyo juu na cwilayu'ya n'om'yo' ñ'eⁿñê. Ndicwaⁿ cho' nqueⁿyo' jnaⁿyo'.

18 Ee xeⁿ luaa' waa mati nn'aⁿ na ñejla'yu' ñ'eⁿñê na jnda tja, jnda tsuundye.

19 Ee juu na cwicantjyaa' n'o^oya Cristo xeⁿ macandâ xjeⁿ na cwitandoo'a je' mawañoom'na' jaa, wanty'iaa'ndyotyaaⁿ na cha'tsondye nn'aⁿ.

20 Saa ñ'oom na mayuu'cheⁿ na tquiaa Ty'o^ots'om na wando'xco Cristo. Matseijomna' cantyja 'naaⁿaⁿ cha'cwijom ntjom na cwiwe' jndyee ee quii'ntaaⁿ l'oo jom ts'aⁿ najndyee na tando'xco.

21 Cantyja 'naaⁿ cwii ts'aⁿ, jnaⁿna' na cwiwje nn'aⁿ tsjoomnancue. Mati cantyja 'naaⁿ cwii ts'aⁿ jnaⁿna' na cwita'ndo'xco nn'aⁿ.

22 Ndo' cha'xjeⁿ cantyja 'naaⁿ Adán cha'tsondye nn'aⁿ cwiwje, mati cantyja 'naaⁿ Cristo, cha'tsondye nn'aⁿ nnta'ndo'xcona.

23 Saa majndaa' na nluii na ljo': najndyee tando'xco Cristo, ndâ jo' quia na nncw-
jee'nnaaⁿaⁿ, nnta'ndo'xco nquiee nn'aⁿ na cwiluiindyewentaaⁿaⁿ.

24 Quia jnda seityuii' Cristo cha'tsoñ'eⁿ na cwila'xmaⁿ na cwiqueⁿ xjeⁿ, ñequio cha'tso na cwitsantjom, quia jo' nntycwii cha'tsoñ'eⁿ. Nda jo' nquii na cwiluiiñê na matsâ'ntjoom, ñequiaaⁿ cwenta jo' l'o Tsotyeeⁿ Ta Ty'o^ots'om.

25 Ee tseixmaaⁿ na nntsa'ntjoom hasta xjeⁿ na jnda tju'cje Tsotyeeⁿ nacjee' nc'eeⁿ cha'tso na cwi'oo nacjoom'm.

26 Juu na macanda na nntseyueeⁿeⁿ na matseiwene nacjoom'm, juu na mach'ee na cwiwje nn'aⁿ.

27 Ee jnda tju'cje Ty'oots'om cha'tso nacjee'nc'ee Cristo, jo' chii quia na matsona' naljo', cwiwitquoo'ya na tic'oomna' nquii Ty'oots'om. Ee jom cha'tso jnda tqueeⁿ nacje 'naaⁿl' Cristo.

28 Nquii Cristo cwiluiiñê Jnda Ty'oots'om. Quia jnda s'aaⁿ na cha'tso na niom cwitue'ndyecje jo nnoom, quialjo' manquiiyeeⁿ nncju'ñecjeeⁿ nnom Ty'oots'om cha nntseixmaⁿ na tjacantyja na t'maⁿ cwiluiiñê jo ndaa cha'tsoñ'eⁿ.

29 M'aⁿ nn'aⁿ na cwiwits'oomndye cwentaa nn'aⁿ na jnda tja. Saa xeⁿ na mayuu' tjaa'naⁿ na cwita'ndo'xco nn'aⁿ na jnda tja, quia jo' ¿ljo' ts'iaaⁿ na cwiwits'oomndyena cwentaa l'oo?

30 Ndo' xeⁿ ticata'ndo'xco nn'aⁿ na jnda tja ¿chiiu na já cha'tso xjeⁿ m'aaⁿyâ na teincuu' waa na cwiitjooⁿyâ?

31 Ee 'io ndi 'io m'aaⁿya na teincuu' na ñe'catseicuee'na' ja. Ndo' na ljo', ñ'oom na mayuu' jo' cha'xjeⁿ mati na mayuu' na mañequiaana' na neiⁿya na cwiluiindyoy' nn'aⁿ na cwila'yu' ñequio Jesucristo na nqueⁿ cwiluiiñê na matsa'ntjoom jaa.

32 Tsjoom Éfeso seijndoya cwii ts'o^on ñequio quioo' wje saa meiiⁿ na ljo' ¿yuu waa na mawan-tjoⁿ? Ee xeⁿ na mayuu' na ticata'ndo'xco nn'aⁿ na jnda tja yati cal'aaya cha'xjeⁿ cwilue nn'aⁿ: “Cwa cwaa'a ndo' cwaaya ee 'iocha luaa' nncwjaaya.”

33 Tiñe'quiandyoy' na ñe'nquiu'nn'aⁿna' 'o. Waa ñ'oom na matso ts'aⁿ: “Joo nn'aⁿ na tis'a la'xmaⁿ cwila'ndaa'na ts'iaaⁿ na ya na cwiluii.”

34 C'oom'nnda' n'om'yo' cha'xjeⁿ na matsona' na cal'a'yo'. Tsacwi'ntyje'yo' na cwil'a'yo' jnaⁿ ee m'aⁿ nt'omndyo' 'o na ticalaxmaⁿ'yo' cantyja 'naaⁿ! Ty'o^ots'om. Matsjoo na ljo' cha calui'jnaaⁿ'ndyo'.

Nmeiiⁿ nlaxmaⁿ seiⁿ nn'aⁿ na nnta'ndo'xco

35 Nnts'aacheⁿna' m'aaⁿ cwii ts'aⁿ na nncwax'eeⁿ: “¿Chiuu nluiiyuu na nnta'ndo'xco nn'aⁿ na jnda tja? ¿Chiuu mmaⁿ sei' na nla'xmaⁿna?”

36 Tijndo' ts'om ts'aⁿ na luaa' nncwax'ee, ee tsjaaⁿ na nnom' ts'aⁿ cha'cwijom nncue'na' cha nncwando' ntjom'ndaa.

37 Quia na wjaacanom' ts'aⁿ, nchii ts'oomtsjoo wjaacanoom'm, nnaⁿ wjacanoom'm oo tsjaaⁿ lqueeⁿ trigo oo cwiicheⁿ nnom tsjaaⁿ.

38 Jnda na jnom' ts'aⁿ tsjaaⁿ'ñeeⁿ, nquii Ty'o^ots'om mañequiaaⁿ chiuu mmaⁿ'na' cha'xjeⁿ na l'ue ts'oom. Cwii cwii nnom tsjaaⁿ mañequiaaⁿ na nntseixmaⁿ juuna' cha'xjeⁿ na macaⁿ'na'.

39 Cha'tso sei' tiñecwii xjeⁿ la'xmaⁿ'na'. Nn'aⁿ la'xmaⁿ'na cwii nnom sei', quioo' wandyo' seiiyo' ndo' cantsaa ñequio calcaa cwiicheⁿ nnom sei' la'xmaⁿ'yo'.

40 Mati m'aⁿ cancjuu tsjo'luee ndo' m'aⁿ nt'om nnom na cwita'ndo' na tqueⁿ Ty'o^ots'om nnom tsjoomnancue, ndo' joo na m'aⁿ tsjo'luee cwichuii' na neiⁿncoo' jooa' ñequio juu na neiⁿncoo' joo na m'aⁿ nnom tsjoomnancue.

41 Juu na caxueeñe ñe'quoom' cwichuii'na' ñequio na xuee chi' ñequio juu na caxueendye cancjuu, ndo' joo cancjuu cwichuii' na xueena' ñequio nt'omcheⁿ cancjuu.

42 Maluaa' waa na matseijomna' na cwichuii' na nla'xmaaⁿya quia na nntando'xcooya. Sei'ts'o na wjaanty'iuu'ñe ts'aⁿ tseixmaⁿna' cwii na nto' saa quia na nncwando'xcona', nntseixmaⁿna' cwii na tijoom cwii cue'.

43 Juu ts'oo na nncjanty'iuu' tseixmaⁿna' cwii na tal'ue saa jeeⁿ neiⁿncoo' tseixmaⁿna' quia na nncwando'xcoom. Quia na wjaanty'iuu'ñe ts'oo, meiⁿcwii tjaa na nndaā nnts'aaⁿ, saa quia na nncwando'xcoom jeeⁿ t'maⁿ najneiⁿ.

44 Quia na wjaanty'iuu' sei'ts'o 'naaⁿ ts'aⁿ tseixmaⁿna' cantyja 'naaⁿ tyuaa, saa quia na nncwando'xcona' tseixmaⁿna' cantyja 'naaⁿ Espíritu Santo.

45 Maluaa' waa na ma'moⁿ ñ'oom' Ty'ooots'om na teiljeii, matsona': “Adán ts'aⁿ najndyee, tuiiñe ñ'eⁿ ts'o ndo' s'aaⁿ na tando'”, saa nquii Adán na macandā cwiluiiñe Espíritu, jom mañequiaaⁿ na cwita'ndo' nn'aⁿ.

46 Nchii juu cantyja 'naaⁿ Espíritu tyowaa-jndyee, tyowaa-jndyee cantyja 'naaⁿ tyuaa, jnda jo' chii tuua cantyja 'naaⁿ Espíritu.

47 Juu ts'aⁿ na t'oomjndyee s'aa Ty'ooots'om juu ñ'eⁿ ts'o, tyotseixmaaⁿ cantyja 'naaⁿ tyuaa. Saa nquii ts'aⁿ na jnda we cwiluiiñe na matsaⁿntjoom, tseixmaaⁿ cantyja 'naaⁿ cañoom'luee.

48 Seii'a nmeiiⁿ la'xmaⁿna' cha'na ts'aⁿ na tuiiñejndyee ñequio ts'o. Saa seii'a na nlaxmaaⁿya quia na nntando'xcooya nlaxmaaⁿya cha'na seii' nqueⁿ na m'aaⁿ cañoom'luee.

49 Cha'xjeⁿ tyowaa Adán na s'aa Ty'ooots'om maluaa' cwimaaⁿa. Mati xjeⁿ na

nantandoo'xcooya mmaaⁿ'a cha'xjeⁿ waa Cristo na m'aaⁿ cañoom'luee.

⁵⁰ 'O nn'aⁿya, ñe'catsjoo^ya ndaa'yo' sei' ñequio ndei' leicandaa nntseijomna' joona' yuu na matsa'ntjom Ty'ooots'om meiⁿ 'naⁿ na cwiwi'ndaa' xocandaa nntseijomna' joona' ñequio joo na ticantycwii na m'aⁿ.

⁵¹ Saa l'ue ts'ooⁿ na nla'noⁿ'yo' cwii ñ'oom na wanty'iuu' m'aⁿna'. Ticha'tsondyo nncwjaaya saa cha'tsondyo nntseichuiina'.

⁵² Jeeⁿ cjee na nluii na ljo' cha'na cwii ndii' na nntseitsja ts'aⁿ lua'nnom, xjeⁿ na nleic'uaa ndu na macanda. Ee maxjeⁿ nleic'uaa ndu ndo' nnta'ndo'xco nn'aⁿ na jnda tjā na tajom cwjen-nda'na. Ndo' nntseichuii'na' jaa.

⁵³ Ee jaa seii'a nmeiiⁿ na teincoondyo na wjaawi'ndaa'na' nlcwee'na' cwii na tijoom cwi'ndaa'. Jaa seii'a na nncue'na' nlcwaa'a cwii na tijoom ncue', m'aaⁿ ndo' m'aaⁿna'.

⁵⁴ Ee juu na laxmaaⁿya na cwiwi'ndaa'na', quia na jnda tcweena' juu na tijoom cwi'ndaa' ndo' juu seii'a na jaawe'na' quia na jnda tcweena' na tijoom cue', xjeⁿñeeⁿ nntseicandaa'ñena' ñ'oom' Ty'ooots'om na teiljeii na matsona': "Jnda seityuii' Ty'ooots'om najndei na mach'ee na cwiwje nn'aⁿ.

⁵⁵ 'U na mache' na cwiwje nn'aⁿ, ¿je' je' yuu waa na cwii nndaa ntsa' ñ'eⁿndyo? Mei'chjoo tjaa yuu cwii cuaa na ncwantjom'."

⁵⁶ Juu jnaⁿ na laxmaaⁿya waa najndei na matseixmaⁿna', jo' chii cwiwjaaya. Ndo' juu ljeii na tqeⁿ Moisés waa najndei na matseixmaⁿna' na mañequiaana' na cat'uii jnaⁿ jaa.

⁵⁷ Saa jndye na quianl'uaa' Ty'ooots'om na

mañequiaaⁿ na cwinaⁿndyo nc'e nquii Ta Jesucristo na matsaⁿntjoom jaa.

⁵⁸ Nc'e na luaa', 'o nn'aⁿya na jeeⁿ wi' ts'o^oya, caljoo'ndyo'tyeⁿ'yo' ñequio Ty'o^ots'om, ñecwiitco titsawintyje'yo' na cwindye'ntjom'yo' nnom Ta Jesús ee manquiu'jndaa'ndyo' na jeeⁿ ticwe' ts'iaaⁿndyo juu ts'iaaⁿ nats'aⁿ nnoom.

16

Cwila'tjomna s'om na nl'ana naya nc'iaana na m'aⁿ Jerusalén

¹ Cantyja 'naaⁿ ñ'oom na nla'tjom'yo' s'om na nl'a'yo' naya nn'aⁿ cwentaa' Ty'o^ots'om na wi' m'aⁿna Jerusalén, luaa matseijndo'a n'om'yo'. Cal'a'yo' cha'xjeⁿ na tsjo^o na cal'a ntmaaⁿ nn'aⁿ na macwji' Ty'o^ots'om cwentaaⁿ'aⁿ ndyuaa Galacia.

² Ticwii xueeneiⁿco' cwii cwiindyo' 'o calat'ue'yo' cwanti na ñnequia'yo' cantyja na cwitan'tjom'yo'. Quia jo' quia na nncuaya quii'ntaaⁿ'yo' nchii s'om quia nlat'ue'cheⁿ'yo'.

³ Ndo' catjeii'ndyo' cwii oo we x'iaa'yo' na cwila'noⁿ'yo' na jooa ya na nnc'ooñ'omna s'om'ñeeⁿ Jerusalén. Quia jo' quia na nncuaⁿ na m'aⁿ'yo', nntseiljeiya cwii tsom na nnc'ooñ'omna.

⁴ Ndo' xeⁿ macaⁿna' na nncjo jo' jo', quia jo' nnc'oona ñ'eⁿndyo.

Ñe'cjaacando' Pablo nn'aⁿ na cwila'yu' Corinto

⁵ Nncjo na m'aⁿ'yo' xeⁿ jnda tjowino^o ts'o^ondaa Macedonia ee maxjeⁿ matseijndaa'ndyo na jo' joindyaa. Jnda jo' nncuacaño^o'ya 'o.

⁶ Nndaⁿ nnts'aana' na nljoo'ndyo ñ'eⁿndyo' meiiⁿ ñe'cwantindyo xuee oo cha'waa ncueeteiⁿ.

Quia jo' 'o nndaā nntsalacwanom'yo' ja nato quia na nncjo xeⁿ yuu cwijoyo.

⁷ Ee ticaljoya ts'ooⁿ na cwe' cjee cjee m'aaⁿna' nncwinooⁿ na m'aⁿ'yo'. Ntyjaa'ya cwii ts'ooⁿ na majndye xuee nndaā nljoo'ndyo ñ'eⁿndyo', xeⁿ Ty'oots'om l'ue ts'oom.

⁸ Saa jnda seijndaa'ndyo na nljoo'ndyotyā ñjaaⁿ tsjoom Éfeso hasta na jnda teinom xuee Pentecostés.

⁹ Ee jeeⁿ t'maⁿ maju'naaⁿñena' na mats'aa ts'iaaⁿ 'naaⁿ! Ta Jesús ndo' jeeⁿ ticwe' ts'iaaⁿ'ndyo meiiⁿ jndye nn'aⁿ m'aⁿ na jndoo ja.

¹⁰ Nndaā nnts'aana' na nncuee'cañoom Timoteo 'o. Xeⁿ nā ljo', cala'lui'yo' jom cha nljeii'na' na ya nnc'oomñê ñ'eⁿndyo'. Ee mati jom mañejuu ts'iaaⁿ 'naaⁿ! Ta Jesucristo mach'eeⁿ cha'xjeⁿ ja.

¹¹ Jo' chii meiⁿcwiindyo' 'o tinc'om'yo' na tila'ñ'oom'ndyo' jom. Ñequio na xcwee' n'om'yo' cateijnde'yo' jom cha quia nlueeⁿeⁿ quii'ntaaⁿ'yo' quia jo' ndyolcweeⁿeⁿ ñequio na neiiⁿeⁿ. Meiⁿndo'a jom ñequio nt'omcheⁿ nn'aⁿ na cwila'yu'.

¹² Tyocaⁿ'a nnom nquii nn'aaⁿya Apolos na catseijomñê ñequio nn'aaⁿya na cwila'yu' na cwi'oocajndoo'na 'o. Saa na maje'ndyo ticats'aana' ts'oom na ñe'cjaⁿ. Majo' nncuee'cañoom 'o quia na ñnequiaana' na wanaaⁿ.

Xmaⁿndyo' na cha'tsondyo'

¹³ Queⁿ queⁿ'yo' cwenta chiuu cwii tsam'aⁿti'yo'. C'om'tyeⁿ'yo' na cwila'yu'ya n'om'yo' ñ'eⁿ Ty'oots'om. Catsanajnda'yo'

cantyja na cwila'yu'yo' ñ'eⁿñê cha'na nn'aⁿ na 'ooquiendye na ñe'cwii waa na cwil'a.

¹⁴ Cha'tso na cwil'a'yo', cat'moⁿ'yo' na wi' n'om' nc'iaa'yo'.

¹⁵ 'O nn'aⁿya, manquiu'yo' na cha'waa ts'o^ondaa Acaya, juu Estéfanos ñequio nn'aⁿ waⁿ'aⁿ jla'yu'jndyeena ñ'eⁿ Ty'o^ots'om. Joono cwijoo' n'omna na cwindye'ntjomna ndaa nn'aⁿ na cwila'yu' ñ'eⁿñê jo' jo'.

¹⁶ Macwe' jo' macaⁿ'a na catue'ndyo'cje'yo' ndaa nn'aⁿ na la'xmaⁿ cha'na joona. Ndo' malaati' cal'a'yo' ñequio cha'tso nn'aⁿ na cwilajomndye ñ'eⁿndyena na cwiteijndeii ts'iaaⁿ 'naaⁿ' Ty'o^ots'om.

¹⁷ Jeeⁿ neiⁿya na jnda tyjee'cañoom Estéfanos ja, ñequio Fortunato ñequio Acaico. Cha'cwijom manty'iaaya ncjo'yo' na manty'iaaya joona, ee jnda jla'noomndyena cantyja 'naⁿya cwii na leicandaa nl'a'yo' na tic'oomndyo'.

¹⁸ Na jnda tquiena na m'aaⁿya, ñ'oom na jla'candiina ja tquiaana' na t'maⁿ ts'o^oⁿ, majo'ti nnts'aana' ñ'eⁿndyo' 'o quia na nlquiennenda'na na m'aⁿ'yo'. Nn'aⁿ na cwindye'ntjomna cha'na joona matsona' na nla't'maaⁿ'ndye nn'aⁿ joo naⁿ'ñeeⁿ.

¹⁹ Ntmaaⁿ' nn'aⁿ na macwji' Ty'o^ots'om cwentaⁿ'aⁿ na m'aⁿ ts'o^ondaa Asiawaa cwila'cwanomna na xmaⁿ'ndyo'. Majuu nn'aaⁿya Aquila ñequio scoom'm Priscila cwiluena na xmaⁿ'ndyo' ndo' majo'ti cwilue nn'aⁿ tmaaⁿ' na cwitjomndye w'aana ñequio xuee' nqueⁿ na cwiluiñê na matsaⁿ'ntjoom jaa.

²⁰ Cha'tsondye nn'aⁿ na cwila'yu' ñjaaⁿ'ñe cwila'cwanomna na xmaⁿ'ndyo'. Nc'e na

cwiliindyo' ntseinda Ty'oōts'om, quia
 cwitjomndyo' ñ'eⁿ ncl'iaa'yo' na tjoom'
 cwila'yu'yo' ñ'eⁿndyena, cataⁿ'yo' lueena na
 cwiñe'quia'yo' na xmaⁿndyena.

²¹ Nnc̄o Pablo na matseiljei xueya na matsjōoya
 na xmaⁿndyo'.

²² Meiⁿcwi'ñeeⁿcheⁿ ts'aⁿ na ticajnda ntyjii nquii
 Ta Jesucristo, quiaa Ty'oōts'om na quioo ñ'oomwi'
 nacjoo' tsaⁿ'ñeeⁿ. Quiaaⁿ na matyuaa' cwjee'nnda'
 nquii Ta Jesucristo.

²³ Nquii Ta Jesucristo quiaaⁿ na c'oom naya na
 matseixmaaⁿ ñ'eⁿndyo'.

²⁴ Mañequiaana' na jeeⁿ jnda ntyjiiya 'o nc'e jom.
 Mantyjati luaa'ndyo. Amén.

Ñ'oⁿ xco na tq^en ty'o^ots'om cantxja 'naa'
Jesucristo
New Testament in Amuzgo, Guerrero
(MX:amu:Amuzgo, Guerrero)

copyright © 1999 Wycliffe Bible Translators, Inc.

Language: Guerrero Amuzgo (Amuzgo, Guerrero)

Translation by: Wycliffe Bible Translators, Inc.

Amuzgo, Guerrero

amu

Mexico

Copyright Information

© 1999, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Amuzgo, Guerrero

© 1999, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2024-02-11

PDF generated using Haiola and XeLaTeX on 18 Apr 2025 from source files dated 29 Jan 2022

3a693cf5-26ad-5db1-89e8-29e6d3f52b61